



القلب أبداً يدوفن

الطبعة الأولى  
١٤١٤ هـ - ١٩٩٤ م

الطبعة الثانية  
١٤١٧ هـ - ١٩٩٧ م

جامعة حقوق الطبع ونشر

© دار الشروق

أسسها محمد المعلم عام ١٩٦٨

القاهرة ٨ شارع سيرينه المصري - رابعة العدوية - مدينة نصر  
ص. ب : ٣٣ البانوراما - تليفون : ٤٠٢٣٣٩٩ - فاكس : ٤٠٣٧٥٦٧ (٠٢)

بيروت : ص. ب : ٨٠٦٤ - هاتف : ٨١٧٢١٣ - ٣١٥٨٥٩  
فاكس : ٨١٧٧٦٥ (٠١)

أَنِيسٌ مُنْصُورٌ

القلب أَبْلَى فَوْنَ

دار الشروق



٦

كل يوم جمعة تذهب إلى المكتب وحدها . ومعها باقة ورد ..  
السائق يفتح لها الباب . ويغلقها ويتركها وحدها .. ويذهب إلى  
المقهى يجلس مع زملائه .. ويدور الكلام عادة عن الصحة  
والفلوس والستر .. وعن الناس الذين لا يملكون المال ولا يملكون  
الراحة .. والذين عندهم المال والعمل وليس عندهم أولاد ..  
والذين عندهم أولاد وليس عندهم فلوس ..

- على كل نحمه على الصحة وراحة البال .. لا مال .. ولا  
عيال .. ولا وجع قلب ..

والكلام فيه إسقاط من بعيد على هذه السيدة التي يعمل  
عندها .. والكلام من زبائن التهوة بهذا المعنى .. وإن كان أحد  
منهم لا يشير إلى هذه السيدة بصفة خاصة ..  
وينظر السائق في ساعته ويطلب مزيداً من الشاي فما يزال هناك  
وقت ..

أما السيدة لطيفة الزهيري فهي ترتدي ملابس المداد .. وتجلس في قاعة كبيرة على مقعد له عجلات .. وقد وضعت الورد في أحدي الزهريات ..

وتتوقف بمقعدها أمام كل صورة على الحائط .

وتعود بذاكرتها إلى أيام زمان ..

وأول صورة هي صورة طفلة في السابعة من عمرها .. حلوة سعيدة وتعود إلى الماضي ..

إنها ابنتها أمل حياتها .. ابنتها الأولى تعلقت بها تماماً واسمها هي الأخرى لطيفة .. ذهبت إلى أحد الأندية الرياضية انشغلت عنها أمها في مكالمة تليفونية .. وكل أبنائها الحالين يغدون من حبها لهذه الطفلة .

المكالمة أن زوجها قد وقع في المكتب وانهار بسبب الإرهاق ذهب إلى المكتب .. وذهبت معه إلى المستشفى .. ولكنه بسرعة أسعفوه وعاد إلى البيت سليماً . وتذكرت أنها نسيت ابنتها في النادي .. طلبتها فلم تجدها .. أرسلت إليها بالسائق يأتي بها .. وكانت الطفلة قد غرقت .. وأخفقت الحادث عن زوجها وقالت إنها ذهبت تلعب مع بنت خالتها .. وسوف تبيت عندها .. ونسيت أن اليوم عيد ميلادها .. وقبل أن يخرج الأب من البيت ليعد للاحتفال بعيد ميلاد ابنته الوحيدة في أحد الفنادق الكبرى .. تنهار الأم وتبكى لأن البنت غرقت .. وأما هي فترقد في أحد المستشفيات ..

وتبكى الأم وتتسح دموعها وهى تقف أمام صورة ابنتها ..

وتنتقل بمقعدها ذى العجلات إلى الصورة التى تليها ..

إنها صورة زوجها .. والزوج كان مسلولاً يتحرك على هذا المقهى  
إنه رجل كله حيوية ومرح .. له منظار وشارب وله كرش أيضاً ..

وتعود إلى الذى كان أيام الخطوبة ..

وأيام الزواج .. وإلى الحفلات والرحلات والمشاريع التى  
أقامها .. وأقامتها شركته .. فهى شركة للبناء والأثاث .. والقرى  
السياحية .. وهو رجل طيب يحب الناس والناس يحبونه .. وهو  
يحب الأطفال ويعطف على الفقراء .. ويزور المرضى من عماله ..  
ويذهب إليهم في بيوتهم - وكان يعمل كثيراً .. يأكل في مكتبه ..  
وأحياناً ينام في المكتب ..

وكان عنده أمل أنه إذا فرغ من بناء إحدى القرى السياحية أن  
يتناهى عن العمل .. ويكتفى بما جمع من مال وأن يبعث بأولاده إلى  
الخارج .. الولد يكون مهندساً والبنت التي اسمها لطيفة أيضاً  
تشتغل بالإدارة .. لتدبر مع زوجته بعض الأعمال .. كأن يكون لها  
سوبر ماركت .. ويكون ذلك لشغل الفراغ .. أما الفلوس فعندما  
الكثير .. وعندما حدائق وفلل في القاهرة وعلى شاطئ الإسكندرية.

وكان يطمع في أن يتزوج ابنته مهندساً معمارياً أيضاً .. وأن يتزوج  
ابنه مهندسة معمارية وأن يكون كل الأولاد مهندسين ..

ولم يحترس المهندس خليل الزهيرى من الإرهاب الشديد والسهور

المتواصل والتوتر .. رغم أن الأطباء قد نصحوه كثيراً . وانهار أكثر من مرة في مكتبه . وكان ذلك دليلاً على أنه معرض لأن يموت في مكتبه .. ولكنه استراح بعض الوقت واستعاد نشاطه ..

وكانـت النـتيـجة الـتـى تـوقـعـها كـلـ النـاسـ إـلـاـ هو ..

\* \* \*

ووقفـتـ أـمـامـ صـورـةـ لـسـيـدـةـ تـشـبـهـها .. إـنـهـاـ أـمـهاـ ..

وكانـ منـ رـأـيـ أـمـهاـ أـلـاـ تـزـوـجـ اـبـنـ عـمـهاـ هـذـاـ .. فـهـوـ مـرـيـضـ مـنـذـ الـبـداـيـةـ وـقـدـ حـذـرـهـ النـاسـ مـنـ ذـلـكـ . ولكنـ السـيـدـةـ لـطـيفـةـ أـصـرـتـ عـلـىـ ذـلـكـ .. فـهـوـ حـبـهـ الـأـوـلـ .. وـالـأـعـمـارـ بـيـدـ اللهـ ..

وـكـانـ أـمـ قدـ عـرـضـتـ عـلـيـهـ عـدـدـاـ مـنـ شـبـابـ الـأـسـرـةـ وـرـجـاـهـاـ ..  
ولـكـنـ لـطـيفـةـ رـفـضـتـ وـأـصـرـتـ عـلـىـ زـوـجـهـاـ خـلـيلـ ..

وـقـالـتـ لـهـاـ أـمـهاـ إـنـ هـنـاكـ شـبـابـاـ وـرـجـالـاـ .. وـإـنـ هـنـاكـ شـبـابـاـ أـقـسـمـ أـلـاـ يـتـزـوـجـ .. وـسـوـفـ يـظـلـ فـيـ اـنـتـظـارـهـا .. وـبـعـضـهـمـ عـلـىـ يـقـيـنـ بـأـنـهـاـ لـنـ تـطـيـقـ الـحـيـاةـ مـعـ اـبـنـ عـمـهاـ .. أـوـ أـنـهـ سـوـفـ يـمـوتـ ..

وـهـمـ يـصـرـحـونـ بـذـلـكـ دـوـنـ خـوـفـ أـوـ دـوـنـ حـرـجـ ..

\* \* \*

أـمـامـ صـورـةـ طـفـلـةـ صـغـيرـةـ .. عـمـرـهـاـ سـنـةـ أـوـ أـقـلـ .. إـنـهـاـ أـوـلـ خـلـفـتـهـاـ الثـانـيـةـ التـىـ وـلـدـتـ لـتـمـوتـ بـعـدـ شـهـورـ مـنـ وـلـادـتـهـاـ وـلـأـسـبـابـ غـامـضـةـ .. وـقـدـ حـدـثـ شـجـارـ بـيـنـهـاـ وـبـيـنـ أـمـهاـ .. تـطـلـبـ إـلـيـهـاـ أـنـ تـتـرـكـ زـوـجـهـاـ .. إـنـهـ مـرـيـضـ وـأـوـلـادـهـ لـاـ يـعـيـشـونـ .. وـأـخـوهـ الـأـكـبـرـ كـانـ

كذلك .. ففى دماء هذا الفرع من الأسرة شيء ما .. جرثومة ..  
تؤدى إلى موت الأطفال صغاراً .. وعادت الأم تقدم لها رجالاً  
آخرين ..

ومن بينهم واحد هو الذى أقسم بأن ينتظراها حتى يموت ..  
وصورته تظهر لحظات فقط .. حتى يكون ظهوره فيها بعد  
مفاجأة .. وحتى يحكى هو بنفسه قصة هذا الحب والانتظار ..

\* \* \*

وأخيراً صورة زوجها .. وكان شاباً وسيماً .. راكباً حصاناً وسط  
مزرعة دواجن .. المزرعة كانت تملكتها وتديرها .. ومنذ سقط هذا  
الشاب الذى هو زوجها من فوق الحصان وأصيب بالشلل لم تعد إلى  
هذه المزرعة .. باعتها .. وهى أول مشروع خاص بها .. قد أقامه  
زوجها ليشغلها لما وجد أنها تحب الطيور .. الكتاكيت والبط  
والأرانب .. كأنها تعوض بذلك عن فقدانها لصغارها الواحد بعد  
الآخر ..

وكما هي العادة تكمل الدوران حول منضدة كبيرة في قاعة  
الاجتماعات .. وتترك المبعد ذا العجلات عند رأس التريزة  
الكبيرة .. وتنهض على رجلها .. وتخرج من باب المكتب .. لتجد  
السائق في انتظارها !

في مكتبها الكبير تجلس على كرسي يتحرك وتتجد متعة في أن تنتقل  
به وهي جالسة عليه لا تبرحه من مكان إلى مكان .. كأنها مشلولة أو  
كأنها لا ت يريد أن تنسى زوجها مرة واحدة ..

وقد اتخذت ملامح حادة ولكنها ليست قاسية .. مع ابتسامة  
خفيفة . فهي حزينة . وهي وحيدة . ثم إن العمل أكبر من قدرتها  
والمشاغل أكثر من اهتمامها ..

تضغط على زرار ..

تحبى السكرتيرة ومعها أوراق ومواعيد ودعوات ..

وترکز السكرتيرة على الدعوات إلى العشاء والغداء .. وأعياد  
الميلاد والأفراح ..

وتقول السيدة لطيفة : ابعثي وردا .. واعتذر ..

- ولكننا نعتذر طوال الوقت ..

- استمرى فالناس تعرف ظروفى ..

- ولكنهم يريدون أن يخففوا عنك . إنهم جمِيعاً يحبونك .

- أعرف . ولكن اعتذرى ..

- لقد مضى عام ونحن نعتذر لكل الناس .. بينما سيادتك تذهبين لبعض الحفلات والناس يتسائلون عن سبب القبول والرفض .. ولابد أن نفسر لهم ذلك .

- اختارى تفسيرًا معقولاً .. اعتذرى .

وتخرج السكرتيرة .

ودقات على الباب الخارجى .. وتدخل فتاة رشيقية حلوة . وتقبل السيدة لطيفة .. ويظهر الابتهاج على وجه السيدة لطيفة .

الفتاة : ازيك ياما ما النهارده .

- الحمد لله يا زيزى .. كنت فين امبارح؟

- في المنصورة .. خالتى كانت مريضة . وحاولت تتصل بك ولم تجدك .

- أخذت الأولاد ..

- كانوا مع شوقي جوزى .. وكلنا نمنا في بيتنا هناك .. وسألوني عنك فقلت إنك بعافية .. وكلهم « قلقانين » عليك ياما .. وعاوزين يفرفشوك .. كلهم ..

وتمد يدها إلى بعض الأوراق على المكتب وتقول لها : ردى على هذه

الرسائل كأن الأم لا ت يريد أن تستمر في مثل هذا الحوار ..

- تقدرى تيجى تتغدى معانا النهارده .. الأولاد  
يشوفوكى ..

- مش النهارده ..

- كل يوم تقولى لي مش النهارده ؟

- وإذا وجدت مشكلة اطلبيني في البيت بعد ساعتين .

- حاضر ياما .

ونخرج ..

ويدخل السائق ..

وتظهر عليها ملامح الضيق وتقول : فيه إيه يا أسطى سـ

- الأولاد ياهانم .

- كفاية أولاد يا أخي ..

- ربنا عاوز كده ياهانم .

- ربنا ؟ وإلا الفقر اللي عاوز كده .. فيه إيه .

- يحتاج لاجازة علشان الأولاد حيدخلوا المستشفى .

- كل الأولاد ؟ !

- قصدى الست ..

- ولادة جديدة .. سابع ولد ؟

- إرادة ربنا ياهانم ..

.....

صوت من خارج المكتب يقول : طبعا مشغولة ومش حتقدرى  
تقابلى الدكتور بتاعك .. طبعا .. لكن أنا اللي حاددخل ..  
ويدخل . . .

وتراء يضحك وتنهض واقفة . .

والدكتور رجل لطيف متقدم في السن . . ولكنـه كثـير الحـيـوـيـة . .  
يقول لها : ما شاء الله . . وشك ولا وش القمر . أنت القمر .  
اللهم صلي عليك يانبئ . . من أين لك هذه الصحة هل تتعاملين  
مع دكتور غيري . . أزيـك ؟

- الحمد لله . . اتفضل ياـدـكـتـورـ جـعـفـرـ . . أـنـتـ عـارـفـ أناـ لـماـ  
أشـوـفـكـ يـرـوحـ مـنـ الـمـرـضـ . .

دـ.ـ جـعـفـرـ :ـ فـيـنـكـ يـاـمـرـاتـىـ تـسـمـعـىـ الـكـلـامـ الـحـلـوـ دـهـ . .ـ أـنـتـ  
عـارـفـهـ مـرـاتـىـ أـولـ مـاـ تـشـوـفـنـىـ تـقـولـ لـىـ إـيـهـ :ـ تـقـولـ . .ـ هـهـ . .ـ حـتـنـامـ وـلاـ  
حـتـسـهـرـ الـلـيـلـةـ . .ـ وـلـاـ اللـىـ نـنـامـ فـيـهـ نـقـومـ فـيـهـ . .ـ طـبـعـاـ عـنـدـمـاـ أـسـمـعـ  
هـذـاـ مـوـشـحـ أـقـولـ لـهـ حـنـامـ طـبـعـاـ . .ـ مـيـنـ مـغـفـلـ يـخـرـجـ مـعـ وـاحـدـةـ تـبـدـأـ  
الـحـوارـ بـهـذـهـ الصـورـةـ الـتـىـ تـبـعـثـ عـلـىـ الـيـأسـ وـالـقـرـفـ . .ـ سـمـعـيـنـىـ تـانـىـ  
يـاسـتـىـ الـأـغـنـيـةـ الـلـىـ قـلـتـيـهـاـ دـلـوقـتـ . .

- أـنـتـ تـعـرـفـ أـنـ أـمـ كـلـثـومـ كـانـتـ تـقـولـ :ـ وـلـاـ أـشـوـفـكـ يـرـوحـ مـنـ  
الـكـلـامـ وـاـنـسـاهـ عـارـفـ لـيـهـ يـاـدـكـتـورـ . .ـ لـأنـكـ أـنـتـ مـاـبـتـطـلـشـ كـلـامـ . .ـ  
لـأنـكـ بـتـكـلـمـ بـالـنـيـاـبـةـ عـنـيـ وـيـمـكـنـ عـنـ الـإـنـسـانـيـةـ كـلـهاـ !ـ هـاـهـاـ . .ـ  
هـاـهـاـ . .

- قولي لي ياجميلة أخذت الأدوية طبعا .. ونمـت كويـس  
امبارح .. طبعا .. وتحـيـجي تـغـذـى أو تـتـعـشـى عـنـدـنـا أـمـتـى .  
تنـشـعـلـ فـيـ مـكـالـمـةـ تـلـيـفـونـيـةـ .. وـيـتـهـزـ هـوـ هـذـهـ الفـرـصـةـ وـيـخـرـجـ وـهـوـ  
يـشـيرـ إـلـىـ أـنـهـاـ مـثـلـ زـوـجـهـاـ تـعـمـلـ لـيـلـاـ وـنـهـارـاـ !

\* \* \*

ويـدـخـلـ أـبـوـ الـفـتوـحـ الزـهـيرـيـ أـخـوـهـاـ .. وـيـتـقـدـمـ بـسـرـعـةـ إـلـيـهـاـ وـيـمـدـ  
يـدـهـ .. وـتـنـدـ يـدـهـاـ وـيـقـبـلـ يـدـهـاـ .. ثـمـ رـأـسـهـاـ .. وـيـقـفـ فـيـ اـحـتـرـامـ  
شـدـيدـ وـتـقـولـ لـهـ :

اقـعـدـ يـاـ أـبـوـ الـفـتوـحـ .. أـخـبـارـ مـرـاتـكـ دـوـلـتـ إـيـهـ ..

- أـحـسـنـ دـلـوقـتـ يـاـ أـخـتـيـ رـبـنـاـ يـخـلـيـكـ لـنـاـ وـيـعـطـيـكـ الصـحـةـ  
وـالـعـافـيـةـ ..

- مـتـىـ تـخـرـجـ مـنـ الـمـسـتـشـفـىـ ؟ـ ..

- كـمـانـ أـسـبـوعـ ..

- سـلـمـ لـيـ عـلـيـهـاـ ..

- رـبـنـاـ يـخـلـيـكـ .. وـهـيـهـ كـمـانـ تـبـوـسـ إـيـديـكـ ..

- عـاـوـزـ فـلـوـسـ ..

- أـنـاـ ؟ـ أـعـوذـ بـالـلـهـ .. وـهـوـ أـنـتـ خـلـيـتـ حـدـ مـحـتـاجـ لـحـاجـةـ .. رـبـنـاـ  
يـبـارـكـ فـيـكـ .. أـلـفـ شـكـرـ يـاـ أـخـتـيـ .. أـلـفـ شـكـرـ .. بـالـإـذـنـ  
يـأـخـتـيـ ..

ويتقدم إليها ويقبل يدها ورأسها ..

ترفع لطيفة التليفون وتتحدث إلى ابنتها زيزى وتقول لها :

خالك كان عندي .. آه .. لا يشبع يا ابنتى حاعمل إيه ..  
أدى له مفيش مانع .. أدى له .. العفو .. والله مش قادرة  
يازى .. بكرة نتكلم في مكان الغدا أو العشا بوسى لي الأولاد ..  
تعود السكرتيرة .

وتسألاها السيدة لطيفة : فيه إيه يا كاميليا ..

- برقيات عاجلة ..

- حسان مارجعش .

- حسان ابن سيادتك .. لسه مارجعش .. اتصل من الإسكندرية وقال إنه حيصل قبل سيادتك ماتسيبي المكتب ..

- امتى اتكلم .

- كلمنى من العربية .. وسألنى على سيادتك لأنه وجد التليفون «مشغول» .

- امتى ؟

- من دقائق .

- خللى الأوراق لحد الدكتور حسان ما يشوفها .. وإذا كان فيها حاجة حيتصل بي .. فيه حاجة مهمة ..  
ـ دعوات جديدة .

- اعتذرى ..

- سعادتك كنت وعدت الأسطى عبد العال إنك حتحضرى كتب كتاب بنته اللي بتشغل عندنا في العاشر من رمضان ..

- إيوه صحيح .. مفيش مانع .. إيه الهدية المناسبة في الحالات اللي زى دى ..

- فلوس في ظرف ..

- قد إيه ياكاميليا ..

- زى سعادتك ماتشوف يا أفندي ..

- قد إيه يعني ؟

- مرتب شهر ..

- شهر ؟ بس ؟ وأنا اهز طولى لحد آخر إمبا به علشان مائة جنيه ولا مائين .. طيب متشركة ياكاميليا .. إذا كان فيه حاجة هامة جداً اتصلى بي .

خرج السكرتيرة ..

وعلى السلم تقابل ابنها الدكتور حسان الذي يقبل خديها ورأسها .. وكلمة منه وكلمة منها .. وتدخل سيارتها ويظل واقفاً حتى تختفى ويصعد إلى مكتبه ..

الموظفون في الصباح الباكر يشربون القهوة .. والسنديتون يخفونه  
في الأدراج .. ويدور حوار .

- إن شاء الله حتقولك لا ..

- لا إجازات .. لا زواج .. لا سلفيات .. لا تدخين .. لا  
سنديتون .

- نفسي أسمع منها لا واحدة .. واحدة ولا تكثر على الله ..  
لا .. واحدة ياست .. ربنا يسترها معاك .. (لأ) واحدة .

- (لأ) واحدة لإيه .

- للجواز .. ياسلام لو قالتها السست في جواب مكتوب على  
الماكينة بوضوح ..

- علشان إيه .

- علشان أديه لعنایات اللي راكبها عفريت عاوزه نتجوز بأسرع ما

يمكن .. لا عندي شقة ولا عندي فلوس للعيش ولا عندي  
للشبكة .. ولكنها مصدقة أغنية صباح اللي بتقول : جبنيه  
ونأكل بطاطه .. (لأ) واحدة .. وأنت مش عاوز (لأ).

- عاوز ..

- (لأ) لإيه؟

- لا .. لا نذهب إلى الإسكندرية ..

خربت بيتي السنة اللي فاتت .. عاوزها تقول إن عندنا  
إضافي » .. لا إجازة !

- وحياتك حتفول السنة دي : إيوه لكل شيء .. زهرة  
قوله لا زهقت .. وهى واجعة دماغها مع الناس ليه ..  
يتجوز ويتنيل على عينه وعين اللي خلفوه اللي حيختلفهم ..  
إيه رأيك أنا سمعتها بتقول للأستاذ أبو المعاطى مفيش مانع -  
إجازة وريح أعصابك .. وسمعتها بتقول لسهير بتاعت التليمة  
خدى إجازة واتجوزى ..

- بتكلم جد؟ .

- إيوه والله .

- يانهار اسود ومنيل .. داحنا اخرب بيتنا .. والحل؟

- والحل عندها .

- لا .. عند الدكتور حسان ابنها العزيز .. هي تقول  
وهو يقول : إيوه.

- واحد يشد وواحد يرخي ..

- أبدًا الاثنين خلف خلاف .  
- لكن كلمة مين اللي تمشى .  
- هي طبعا .  
- وهو كمان ..  
- أبدًا ..  
- اسمع كلامي ..  
- أنا أسمع كلامك تانى .. لا ياحببى أنا فى الحاجات دى أروح  
بنفسى واسأل وأغامر وزى ماتيجى تيجى .. وأننا حابداً من دلوقت  
وينخرج ..

\* \* \*

يدخل مكتب د. حسان وينحنى على يديه بالتحية . ود. حسان  
يسحب يده بسرعة ..  
ويقول له : عاوز إيه .  
- سيادتك عارف .  
- موافق .  
- بس سيادتك مش عارف أنا عاوز إيه ..  
- اللي أنت عاوزه أنا موافق عليه ..  
- ولكن الهمم ممكن ترفض .  
- تبقى تروح لها .. أما من ناحيتي أنا موافق ..  
- يبقى عملنا إيه ياسعادة البيه .

- عملنا الأصول . . أنا مدير وهى رئيسة مجلس الإدارة . .  
- ولكن سيادتك . .  
- إيوه سيادتى وافق كثيرًا وهى اعترضت . . والكلمة كلامتها .  
- إمال أنا جيت لسيادتك ليه ؟  
- بتسألنى ؟ اسأل نفسك !  
- ولكن ياسعادة البيه المرة اللي فاتت .  
- مرة وفاقت . . نعم إيه تانى .  
- ولا حاجة . شكرًا ياسعادة البيه .

....

يذهب د. حسان إلى والدته السيدة لطيفة . ينحني على يدها  
يقبلها ويقبل رأسها . ويجلس .  
- عاوز أكلمك في موضوع ياما . .  
- أنا هنا رئيسة مجلس الإدارة .  
- آسف . . عاوز أكلم سيادتك في موضوع . . الحقيقة أكثر من  
موضوع ولابد أن نتخد فيها قرارًا حاسيمًا . . شوف ياما . .  
- ( تستاء لكلمة ماما ) . .  
- عاوز أكلم حضرتك في موضوع شخصى . .  
- خاص بك .  
- خاص بحضرتك . .

- وتكلمنى فى موضوع خاص بي ليه ؟

- لأنه خاص بنا أيضاً .

- إيه ؟

- كفاية ملابس الحداد دي .. الحزن في القلب .. ولكن تغيير اللون الأسود يمكن غير معنوياتك .. فالناس هنا يلاحظون أنك عصبية جداً .. وحزينة ولذلك يتعدد الكثيرون في عرض بعض الموضوعات الهامة لأنهم « خايفين » يضايقوك أكثر ..

- إيه تانى .

- لازم تقبل بعض الدعوات .. غداء .. عشاء .. زفاف .. أعياد ميلاد .. لازم تغيرى .. ولازم حد ينام معاك في البيت .. خادمة وأنا لقيت لك خادمة من المنصورة .. هي طرف قرابة تعيش معاك وتقضى كل حاجاتك .. بدلاً من الوحده الفظيعة .. إنت عارفه أنا كلنا بنحبك وقلقانين عليك .. ولو لا أنا مش عايزين ندوشك كنت طلبت أنا نسكن معاك .. لكن الأولاد والكلاب والدوشة ..

- وإيه تانى يادكتور ؟

- إنت لسه زعلانة من أختى .. أختى فيها شبه كثير من حضرتك .. عندها اعتزاز بنفسها .. وأى شئ وأى أحد يقرب من زوجها تعتبره إهانة لها ..

- وإيه اللي حصل ؟

- حضرتك أهنت زوجها ..

- أنا ما أعرفش أنه زوجها .. أنا أعرف أنه موظف هنا ..  
وموظف غلطان . ولابد من محاسبته .. وهى لا شأن لها بأخطاء  
زوجها .. وهو كمان لا شأن له بأخطاء مراته .. كل اللي هنا  
«موظفين» .. وأنت وهى وهو يجب أن يكونوا قدوة وإذا نظرتى على  
أنى حماته وهى على أى أنها وأنت على أنى أمك تنهدم المؤسسة  
كلها .. أبوك أقامها بالتعب والمرض لحد ما مات .. وأنا مش عاوزه  
أهدم اللي بناه .. فاهم يادكتور . ومرة ثانية ما تكلمنيش في  
مواضيعات خاصة هنا ..

- مش خاصة سيادتك ..

- طبعاً خاصة .. هل لو كان جوز اختك موظفاً آخر كنت  
اتكلمت عنه هل لو لم تكن هي اختك كنت اتكلمت هنا ..

- آسف حضرتك ..

- أنت كلمتني عن اختك وعن زوجها .. وما كلمتنيش عن إيه  
اللي انت عملته في الإسكندرية .. إيه اللي انت عملته ده ؟

- الله .. بسرعة قالوا لك ..

- قالوا بعد ما خرجمت من الاجتماع ..

- مين قال لسيادتك ؟

- قالوا لي .. غلطان ولا لا ؟

- أنا غلطان ..

- واعتذر لوكيل الشركة الألمانية .

- اعتذر .

- إذن تعال أنت وهو وثلاثة من وكلاء الشركات الثانية على غدا أو عشاء وقدم له هدية ذهبية من الصناعات المصرية .. أو نسخة من تمثال ذهب لنفرتيتى تقدمه لزوجته .. لا تنس أنهم يشترون منها يعادل أربعة ملايين دولار كل سنة .. لا تنس .

- حاضر ..

.....

يسمع صوت الدكتور : .. يانهار القشطة .. ياقشطة ..  
ويدخل مكتب السيدة لطيفة ويقول لها : اللهم صلى على كامل  
النور .. زى القمر يالطيفة هانم النهارده ..

- قمر كام في الشهر .

- ١٤ والله العظيم ..

- يعني مش أقل ومش أكثر ..

- أبدا .. عاوز اطمئن على حاجة واحدة عندك .. أنت قلت لي  
في التليفون امبارح إنك دخت ووقيعت على الأرض .. أنا عاوزك  
تفتكرى كوييس جدا ركزى معايا .. هل أنت تعشرت في السجادة  
ووقيعت وبعدين انزعجت .. والا أنت دخـت وبسبب الدوخة  
ووقيعت على الأرض .. وإذا كنت دخـت .. هل قمت مرة واحدة  
والـا دخـت وأنت قاعدة .. وهـل دخـت مرة واحدة .. ولا دخـت

بالتدريج ثم دخت ووّقعت على الأرض .. واستمرت الدوّحة كم  
ثانية .. ركزى معايا .. ركزى ..

- مش فايقة دلوقت ..

- لا .. لا .. لازم تفوقى ياجمilla .. فوقى معايا .. بلاش  
تفوقى .. إذن لابد من عمل تحاليل .. أبعت لك المساعدة بتاعتنى  
تاخد شوية دم .. لا خوف .. إن شاء الله خير .. سلام عليكم  
يا قمر ..

.....

\* \* \*



الأسرة تلتف حول السيدة لطيفة .. ابنتها وقد ارتدت فستانًا  
جميلًا وأختها وقد ارتدت ملابس الإحرام فقد عادت لتوها من  
السعودية ..

أما ابنتها فهي عادة تحدثها في موضوع واحد تؤكد دائمًا أن صحتها  
كويسة وأن معنوياتها في السماء ولكن السيدة لطيفة تقول لها : لا  
تحاولى .. فأنا أمم الناس أبدو كالحصان .. ولكن بعيدًا عن الناس  
فأنا صرصار أزحف على الحائط .. وإذا شديت حيلى شوية فأنا فأر  
أقفز من ركن إلى ركن .. وإذا حاولت أن أكون إنسانة فإننى أقف  
أمام المرأة ودموعى على خدى ..

- يا ماما حرام عليك .. أنت مش أكبر من طانط ألفت .. وأنا  
أكبر من طانط عصمت .. والزععل لا يودى ولا يحب .. والأعمار  
بيد الله وهذا قدر كل إنسان أن يموت .. واللحى أبقى من الميت ..  
والزواج مش حرام !

- بلاش .. بلاش .. أرجوك ..

- بلاش إيه يا ماما .. هوه أنا كل ما اتكلم تسديني كده  
ياماما .. افترضى يا ماما إن زواجك مشروع سوف يعود على الشركة  
بمئات الألوف .. وأكثرب من مئات الألوف أنت اليوم اللي بتغيبي فيه  
عن الشركة كل شئ بيعطل .. المرة اللي فاتت لما أنت كنت  
عيانه .. شوف أحننا خسرنا يمكن ثلاث أربع مليون .. واحنا ما  
رضيناش نقول لك ..

- ده حصل ؟ !

- إيوه حصل .

- إزاي يعني ؟

- بسلامته مدير الإداره عمل هوه كمان عيان .. ولما اتصلوا بنا من  
فرنسا لاستعجال الشحن مالاقوش حد .. أنا كلمونى .. وأنا ما  
أقدرش أدى أمر .. وأخويها كان في الأرجنتين وأنت عيانة ..  
حكايات وحكايات ..

- يعني إيه ؟

- يعني لما أنت تكونى كويسه صحتك وأعصابك .. الدنيا كلها  
حتبقى كويسه .. صدقينى ياماما .. ده مش رأىي لوحدي ..

- بس .. كفاية .. أرجوك خلينا في الشغل ..

- ده صميم الشغل ..

... -

- على كل حال أنا في مكتبي إذا احتجت لأى شيء !  
لطيفة في مكتبها . وأمامها جلست اختها التي لم تتكلم أثناء  
حديث لطيفة وابتتها زيزى . .

أختها أميرة : كلام بسلامتها زينب مضبوط يالطيفه يا أختى . .  
أنا مارضيتش أتكلم علشان أنا عاوزاك تسمعى كلام زينب للآخر .

- أنتم « متفقين » ؟

- إيوه ده رأينا كلنا . . اسمعى يا أختى أنا جايه أعرض عليك  
حاجة . . بس ما تفهمنيش غلط . . وإذا ماعجبكش كلامى  
اعتبرينى لا جيت هنا ولا شفتك . .

- إيه ؟

- دلوقت أنت عارفه شوشو قد إيه بتحبك .  
- وأنا بأحبابها . .

- طيب . إيه رأيك أن شوشو تيجى تغىش معاك . . ترد على  
التليفون . . تقابل ضيوفك . . تسليك . . وانت عارفه شوشو زي  
النسيم والله والله بتحبك أكثر منى . . وأكثر من « أبوها » . . ودى  
رغبتها . .

- تيجى أى وقت .

- لا مش أى وقت . . لا انت لازم تطلبها . . انت عارفه البنت  
حساسة جداً ويتهيا لها إن أحنا علشان بنتخانق معها ، إننا أحنا  
اللى طلبنا منك تاخديها عندك . .

- وانتو بتتخانقوا معاها ليه ..
- أنت عارفه علشان وحيدة دلوعة شوية .. أى حد يكلمها تعيط .. ونفضل طول الوقت نتحايل عليها تأكل وتشرب وتذاكر وتروح الجامعه ..
- وأنا مفيش عندي أعصاب ياأميرة .. صحيح باحبها .. لكن ما أقدرش أتحايل ..
- معاك هى اللي حتحايل عليك تأكل وتشربى وتفرشى .. أنت عارفه أن شوشو تحب الحظ والضحك .. والنبي حتخليلك سعيدة .. ربنا يسعدك ويسعدها .. قلت إيه ياالطيفه ؟
- كلاميها في التليفون ..
- وتنهض أميرة وتطلب شوشو في التليفون : كلاميها انت .. لطيفة في يدها التليفون : آلو .. ازيك ياشوشو ..
- أهلا .. إيه الفرصة السعيدة .. النهارده إيه في الشهر .. انت اللي بتطلبينى .. إيه السعادة دى .. إيه النور ده ..
- ازيك ياشوشو .. وحشتيني ..
- وانت أكثر ..
- أنا عازاك ياشوشو تيجى تتغدى معايا .. آلو .. آلو .. انت فين ..
- أنا حيغمى على من الفرحة ..
- يابت يابكاشه ..

- أنا ؟ لا والله .. انت عارفه انت إيه بالنسبة لى ياطاطنط .. أنت  
 موش عاوزة أضيع الوقت في الكلام ..  
 - أنا حابعث لك العربية .. وهاتي ..  
 - كل هدومنى طبعا ..  
 - (تضحك) وهدوم «أبوك» وأملك ..  
 - الله ؟ ! يبقى عملنا إيه ياطاطنط .. ده أنا عاوزة أبعد عنهم ..  
 ياطاطنط طول النهار والليل فضائح ووجع قلب ..  
 - بيحبوكم يا شوشو ..  
 - اهو ده الحب والبهلة .. أنا لوحدي ياطاطنط ربنا يخليلك ..  
 قلت إيه يا أجمل طانط في الدنيا كلها ..  
 - (تضحك) تعالى وحدك .. ومن غير هدوم ..  
 - هيه .. يحيا الاستقلال التام .. وحق تقرير المصير ..

\* \* \*

الطبيب د. جعفر يدخل في هيصه . وهي لا تكاد تراه حتى  
 تبتهج لذلك ..  
 د. جعفر : ياصباح الفل والورد والنور والصحة اللي زى  
 اليمب ..  
 لطيفة : أما لو كان الواحد زى ما انت بتقول ، ما ييقاش في الدنيا  
 هموم ولا وجع قلب ..

د. جعفر : كويس اللي انت اتكلمت على وجع القلب .. أنا مش فاهم انت قلبك يوجبك ليه .. العيال .. العيال كبروا وتجوزوا وخلفوا .. الفلوس ؟ ما شاء الله زى الرز .. الصبحة زى البمب .. هوه بس عندك شوية مخاوف ووساوس ودى ورثتها حضرتك من السيدة والدة والسيد الوالد .. وكل عيلة سيادتك عليهم عفريت اسمه الخوف ..

- قل لي يادكتور ..

- نعم يا سيد الدكتورة كلها ..

- التحليل نتيجته إيه ..

- ولا حاجة ..

- يعني إيه ؟

- غالبا ولا حاجة .. أنت في حاجة إلى شوية راحة وتغيير مناظر .. مناظر الناس هنا .. وتغيير الدكتور كمان .. لازم ت Shawafif ناس ألطاف ودكتور أجمل .. الدكتور الحلو يرد الروح مش يسد النفس زبي .. إنت كنت بعيدة النظر لما رفضت تتجوزيني ..

- والنبي تكلمني جد مرة واحدة يا جعفر ..

- طالعة من بقك زى العسل بس إنت كنت بتقولى لي يا جوجو .. قوليها والنبي ..

- ياراجل ياعجوز اعقل .. ما خلاص ..

- خلاص .. لا والله .. أبدا .. لحد ما أموت .. وعشان أكون دقيق شوية .. لحد قبل ما ييجي توتوا بدقيقة ..

- توتومين؟

- الموت يعني!

- هاها .. هاها ..

- هاها .. هاها ..

- كلها كام يوم وتيجي التحاليل .. إن شاء الله مفيش خوف ..

- إن شاء الله ..

- عمر ما كان فيه حاجة ..

- إنت اللي بتقول كده ..

- الله وهو فيه حد غيري قال حاجة ..

- إيوه ..

- مين إن شاء الله ..

- أنا .. إحساس ..

- إحساسك أنت؟

- مفيش في الطب حاجات زى دى .. ثم إن إحساسك ده  
بغزالة .. طالع نازل .. رايح جاي .. ما تقلقيش يالطيفه ..  
خليها على الله ..

- كل شئ على الله ..



تنظر في المرأة وتتذكر كلام ابنتها وأختها والطبيب .. وتنظر إلى وجهها .. وإلى ملامحها وشعرها .. وتبتسم لنفسها .. وتضع الماكياج وتنظر لنفسها .. ثم تغير ملابسها وتنظر لنفسها وتقف فوق السرير .. وتضع المهد فوق السرير .. وتكشف الفستان عن ساقيها .. وتنظر لها .. وتكشف صدرها .. وكتفيها وظهرها .. وتنظر نظارات إغراء .. وتضحك .. ثم تذهب وتغسل وجهها وتغير فستانها وترتدي قميصا .. وما تزال تنظر إلى ملامحها ..

· وتطلب صديقات لها في التليفون .. وتضحك .. وتجلس أمام التليفزيون وتقلب في القنوات .. وتقلب في المجلات .. وفي الخطابات الرسمية .. وتفتح أحد أدراجها وتخرج خطابا من ورق أزرق .. وتقرأ بصوت مرتفع ..

( أنت لن تعرف من أنا .. ولكن واحداً قريباً جداً منك .. ويراك كل يوم .. ولست موظفاً عندك في الشركة .. ولا أحد سكان

هذه العمارة .. ولكنني أراك كل يوم .. والله العظيم كل يوم وأنت  
ذاهبة إلى العمل نصف متعشة وأراك وقلبي يتمزق على شبابك  
وجمالك وأنت عائدة إلى البيت .. والله إنني أصلى لك وأطلب من  
الله الكثير .. وربنا قادر على كل شيء ..

ولا يهم أبداً أن تعرف من أنا .. اعتبريني عصفورة واقفة على  
شجرة بالقرب من شبابك وربنا ألمها القدرة على الكلام والكتابة .

وتصبحى على خير ..

### عصفورة !

\* \* \*

وتقلب في الخطاب وتشم رائحته .. وتضع الخطاب في المظروف  
بعناية شديدة .. ثم تضعه في الدرج ..

\* \* \*

ثم تفتح أحد الأدراج وتخرج وردة جافة .. تشمها .. ثم تضعها  
على صدرها .. ثم تقبلها .. وتتردد لحظة في إلقائها في السلة .. ثم  
تعيدها إلى كيس حريري .. وتدفعها إلى داخل الدرج ..

التليفون يرن ..

ترفع الساعة : آلو .. أهلا .. ازيك يازينب .. آه .. تعانة  
شووية .. عاوزه أنام .. آخذ حباية واحدة .. لا .. الدكتور قال لي  
حباية واحدة متضرش .. وحباية واحدة تدوخنى .. للأسف أنا  
ابتلعت الحباية .. وكلها دقائق وحنام .. وأنت من أهله ..

تتفرج على عروض أزياء في التليفزيون .. وأفلام عن الانزلاق  
على الجليد .. وملكة جمال العالم ..  
وأخيراً برنامج عن الرياضة .. والairoبيكس .. وتتفرج عليه  
بعناية شديدة ..

ثم تهتم بها تقوله المذيعة عن التخسيس بالنسبة للسيدات  
الكبيرات في السن .. و تعرض سيدات في مثل سنها .. قد نقص  
وزنهن عن طريق الرياضة .. وعن هدوء الأعصاب وإنقاص المواد  
النشوية والسكرية .. وأهم شيء أن الشاي والقهوة والسعائر تفسد  
البشرة ..

\* \* \*

ثم أعادت هذا البرنامج مرة بعد مرة .  
وراحت تؤدي نفس الحركات التي تراها في التليفزيون .  
التليفون .. إنه د. جعفر : آلو .. أهلاً يادكتور .. أبداً أنا  
كنت أقوم بكركبة في الشقة .. لا. حاجات بسيطة .. لا مفيش  
حاجة .. لا مش دايحة .. ولا عندي صداع .. ولا شربت  
قهوة .. إيه .. حتيجى تعيشى معايا .. هاها .. والله دى فكرة  
أختى .. الضحك ده نصف العلاج .. ياسلام .. العلاج سهل  
كده ؟ !

ثم تخرج المايوهات التي كانت ترتديها .. وتتفرج عليها ..  
وصورها مع زوجها على الشاطئ ..

ويدق جرس الباب ..

بسرعة تعيد الملابس إلى مكانها .. وتنكش شعرها .. وتنظر إلى المرأة وتمسح وجهها .. وتنظر إلى الساعة وتنزعج قليلاً .. ثم تتوجه إلى الباب .. وتتردد .. وتضغط على الجرس .. وتتذكر أن اليوم إجازة الخادمة ..

ثم تقترب من الباب وتسأله : مين ؟

وتسمع إلى دقات موسيقية على الباب .. وتعالى الدقات .. وتبسم لطيفة .. إنها شوشو .. ودون أن تسأله فإنها تفتح الباب .. وظهور شوشو التي تقفز إلى عنق خالتها وتقبلها وتحتضنها .. ومعها فتاة أخرى ..

وتقول لها شوشو : دى صاحبتي ومهمتها أن ترقص لك .. ومهمتى أنا ألم النقط .. أقدم لك شوشو وفرقتها الراقصة والغنائية .. لإحياء الأفراح والليالي الملاح .. بأقول لك يا طانط .. صاحبتي دى بعد سنة واحدة فقط سوف تكون طبية أمراض نساء وولادة .. وسوف ترتكب كوارث وسوف أتولى الدفاع عنها .. هى طبية محترمة وأنا حامية بكاشة .. ما رأيك يا طانط في الدويتو ..

لطيفة تضحك من قلبها ..

شوشو : أقدم لك دكتورة كوكو .. اسمها كريمة ويمكن أن نسميها مؤقتاً كوكو لحد ما يجي ابن الحلال الذي سوف يغير اسمها إلى كرم .. كوكو عاوزة تكشف عليك يا طانط .. على قلبك .. علشان تعرف درجة احتفالك للضحكة .. هل قلبك يتحمل الابتسام

ولا الكركرة . والا ضحك الحشاشين .. كله موجود ياطانط و ٢٤  
ساعة ا

لطيفة تضحك من قلبها ..

- ياطانط عندك أكل .

- عندك في المطبخ ..

- يعني احنا اللي حنطبخ .

- لا .. مطبخ جاهز ..

- إيه ياطانط ..

- أنا عارفه .. إذا كنت تعرف تطبخى أطبخى ..

- أنا أحب الحرية .. نطبخ نغسل .. نكنس .. نغنی ..  
نرقص .

- قولى لي ياطانط .. حضرتك كنت خارجة .

- لا ليه .

- الروج الجميل على وجنتيك وشفتيك .. والا لون الفرحة  
والسعادة بينا ..

- (تضحك) .

- أنا لابد سوف أغير لك الماكياج والتسميمحة .. احنا حنعمل ثورة  
في البيت .. إن شاء الله .. بإذن الله لن أرجع إلى بيتي إلا إذا تركتكم  
في أحضان عريس ما حصلش .. واحد لك وواحد لي .. وواحد

للدكتورة . . ده برنامج الخمس شهور . . برنامج الـ ١٥٠ « يوم » . .  
- (تضحك) أنتم « مستعجلين » قوى .  
- إحنا كده . . مفيش وقت يا طانط . .

٧

ناظر الزراعة وبعض الفلاحين في فيلا لطيفة هانم . يظهر عليها  
بعض الاستياء من ملابس الفلاحين وأسلوبهم في الشرب والتدخين  
والحديث بصوت مرتفع .

ناظر الزراعة : ألف سلامة لك يا هانم .

- وهل قال لك أحد إنني مريضة ؟

- أبداً .. الإنسان في حاجة إلى السلامة دائمًا ..

أحد الفلاحين : قالوا لنا إن المست الهانم بتاكل مسلوق على  
طول .. أرز .. بطاطس .. وفجل وبصل أى والله ..

الناظر : أنت بتقول إيه ياراجل يا مجنون أنت .. المست قدامك  
زى الفل وأحسن من الفل والورد والياسمين ..

فلاحة : طيب والنبي أنت أجدع من أحسن عروسة .. وربنا  
يعد لها لك يا هانم لطيفة .

- (تضايقت) إيه اللي أنتم جاين تقولوه ده . . بس مش عاوزة  
كلام . .

الناظر : إيوه . . بس والله ياهاشم أنا جبت كل حاجة . . فراخ  
وز وبط وسمك وخرفون . . والله ياهاشم الواحد مش عارف أهل  
البندر بيأكلوا إيه . . جنابك تختارى اللي يعجبك والباقي نرجع  
بيه . . ما هو سعادة البيه ربنا يرحمه ويسكنه الجنة كان بيأكل كل  
حاجة . . كان بيجي العزبة كان يطلب الفطير والأبرمة والفراء  
والسمك المشوى والعسل الأبيض والأسود . . كانت نفسه حلوة ربنا  
يرحمه . .

لطيفة (تضايقت) : هوه الله يرحمه كان بيأكل كل ده . . والا  
كان بيطلبه علشان يسيبه للناس الغلابة يأكلوه . . ياراجل يامفترى!

الناظر : تمام كلامك ياست هانم . .

لطيفة : ما هو لو كانت الحاجات دي هدية من عندك كنت  
جبت عينات منها . . ولكن لأنك حتاخد ثمنها وتنهب بتجييب  
الجاجات دي كلها . .

الناظر : والله ومالك على يمين . . كل ده من خيرك ولن آخذ  
عنها « مليم واحد » . . على الطلاق من هنية .

لطيفة : مين هنية .

الناظر : العروسة الجديدة . .

لطيفة : عروسة .

الناظر : اجوزتها من أسبوع .

لطيفة : وتحلف الطلاق عليها .

الناظر : فداك ياهانم .. تروح وأجوز أحسن منها ..

واحدة فلاحة : الفرحة الكبيرة فرحتك أنت ياهانم ..

لطيفة : إيه اللي بتقوليه دي يانausee .

ناعسة : قالوا إن الهاشم حتجوز الدكتور جعفر ..

لطيفة (تضحك) جعفر ؟ جعفر في سن والدى ..

ناعسة : ومالي .. عقل وقيمة .. امال حتجوزي واحد في سن  
أولادك .. كده جواز العقل .. والله أحسن حاجة ياست هانم ..

(تدخل ابنتها ..)

تصافح الموجودين وتجلس ..

لطيفة : أهلا .. ازيك يا حبيبي ..

ابنتهها : الله .. إنت نسيت والا إيه .

لطيفة : نسيت إيه ؟

ابنتهها : إحنا اتفقنا أتنا نروح الغردقة النهارده .. الله أنت نسيت  
ياماً ..

لطيفة : نسيت خالص .

ابنتهها : تليفونك كان «مشغول» إمبارح طول الوقت ..

لطيفة : يمكن ده اللي خلاني نسيت خالص ..

ابنتهها : خير إن شاء الله .

لطيفة : بنت خالك .

ابتها : أمانى ؟

لطيفة : سلوى .

ابتها : سلوى .. كلمتك من أمريكا .. اطلقت ؟

لطيفة : طلاق إيه ياشيخة .. لا لا ..

ابتها : إمال إيه ياما ما ؟

لطيفة : بأحاول إقناعها ترجع لمصر هى وزوجها ليعملا معا فى إدارة مشروع العجول والدواجن فى مدينة السادات .. هى متمسكة بالبقاء فى أمريكا .. وزوجها يريد أن يعود .. والله حاجة تضحك .. خلفوا ولدين .. وعلشان كده هيه مش هامها ترجع مصر وزوجها عاوزها تخلف ..

ابتها : يعني إيه ؟

لطيفة : يعني إنه عاوز تجيب بنت .. فإذا جابت بنت يبقى مش حتقدر تعيش فى أمريكا .. يدوب البنت تبقى عمرها خمس أو ست سنوات ولا تطيق الحياة فى أمريكا .. وأنت عارفة بنت خالتك محافظه ومتدینه ومش حيعجبها مشى البنات هناك .

ابتها : وبعدين ؟

لطيفة : الحكاية محتاجة لزقة بسيطة .. حاولي معاهـا ..

ابتها : ياما ما إنت مش كنت اتفقـت مع دـ. أمينة ..

لطيفة : أمينة مين ؟ آه لا .. دـى ماتنفعـش .. إنت عارفة أنها

بنت أخت د. جعفر وإذا أنا شغلتها الناس حيقولوا .. شغلوها  
علشان قرية الرجل اللي حيتجوزنى .

ابنته : حيجوزك ؟ مين قال كده ؟

لطيفة : (تشير إلى الفلاحة) اسألها .. اسألها ..

ابنته : أول مرة أسمع الحكاية دى ..

لطيفة : في الريف سمعوها قبلك .. وفي الريف يسمعوا كثير  
قوى .. وبيشوفوا قليل قوى .. (تضحك) .

ابنته : ولكنها متارة ياما ما وأنا كلمتها .. وإننت اللي قلت لي  
أكلمها ..

لطيفة : نشغلها مع بنت خالك .

ابنته : مستحيل ياما ما .. إننت عارفة اللي بينهم .

لطيفة : إيه اللي بينهم ..

ابنته : حضرتك نسيت ياما ما إن كل واحدة منهم كانت عاوزة  
تجوز أخويها .. إننت ناسية والا إيه ..

لطيفة : خلاص بلاش الاثنين بلاش .. كفاية قرایب في الشركة  
بتاعتنا .. كفاية ..

(تدخل وتترك الجميع ينظرون بعضهم إلى بعض) .



ناظر الزراعة متألق في ملابسه وقد جاء إلى الفيلا دون أن يخطرها بذلك . . أبدت دهشتها من وجوده في البيت . .

لطيفة : إيه المفاجأة دي ما حدش قال لي إنك هنا . . ( تنادى على الخدامة والسفرجية وتسأل كيف إن أحدا منهم لم يخبرها بوجوده ) . .

السفرجي : والله يا أفندي هوه اللي قال إن الهانم مش عاوزة حد يعرف إنه جاء هنا . . وإنك يا أفندي اللي أمرت بكده . .  
لطيفة : أنا أمرت بكده ؟

الناظر : آهى كذبه بيضاء يا هانم . . أنا كنت عاوز أعملها مفاجأة لخنابك . . الحمد لله على السلامة . .

لطيفة : ( تصرخ في السفرجي ) وأنت من إمتي بتتمشوا كلام أي حد على . . حسابك بعدين يانور . . اخرج ! فيه إيه يا حضرة الناظر . . إيه اللي جاييك هنا . . وليه ماجتنش المكتب . .

الناظر : ساخيني يا أفندي .. أصله موضوع عاوز الكلام يكون هنا .. ومش في المكتب ..

لطيفة : يعني إيه ؟ فيه إيه ؟ الناظر ( مرتبـا ) المأذون كان حبيجي ويای .. وبعدين هو في آخر لحظة غير رأيه .. قال إنى لازم أتكلـم في الموضوع لوحدي .. لأن دى مسائل شخصية ..

لطيفة : يعني إيه يا حضرة الناظر فيه إيه ..

الناظر : ما هو وجنابك عصبية كده مش حاعرف أتكلـم خالص .. الحكاية ياهانم ..

لطيفة : فيه إيه ؟

الناظر : صبرك على ياهانم .. أنا أتلـخطـت خالص ..

لطيفة : إيه الحكاية .. فيه إيه .. مش عارف تتكلـم دلوقتى .. تعال بكره في المكتب .. فكر على مهلك ..

الناظر : فكرت ياهانم ..

لطيفة : وبعدين ؟

الناظر : جنابك عارفة أنى التجوزت خمس مرات ومفيش ولا واحدة نجحت .. وخلفت عشرة أولاد زى قلتـهم .. وربنا ساترها معايا .. عشرين « فدان » وفلوس والحمد لله .. والصحة زى اليمب ..

لطيفة : يعني إيه ؟

الناظر : يعني .. والله ما أنا عارف أتكلم ..

لطيفة : قم يا حضرة الناظر .. عيب الكلام اللي بتقوله ده ..  
قم .. اختشى ..

الناظر : وهو الكلام في الحلال حرام ..

لطيفة : قم بلاش كلام فارغ !

( وتدخل وتتركه ليصرف على مهله .. ويقترب منه السفرجي  
ويفتح له الباب وهو يقول له : ينخص عليك راجل كذاب راجل  
ناقص .. (ويرزع الباب وراءه) .

\* \* \*

في سيرها وتسترجع الأحداث الفطيعة التي وقعت في حياتها ..  
كل هذه الأحداث تراها على شاشة التليفزيون وترى كيف أنها  
أدخلت المستشفى وكانت مريضة .. وكان في حادث إجهاض وترى  
زوجها إلى جوارها وكذلك أولادها .. والموظفون والورد من حولها ..  
وهي تبكي بمنتهى المراقة .

\* \* \*

ومرة أخرى في المستشفى وكان المريض هو الزوج .. وهي جالسة  
إلى جواره ويطلب منها ورقة وقلما لكتبي يكتب لها ثروته .. وهي  
ترفض ..

ويقول الزوج : نحن في زمن ..

لطيفة : زمن كويس .. الزمن اللي أنت فيه طيب وأمير والناس كلها بتحبك . زمن كويس .. زمن أنت تتصدق على الناس زمن يحبك الناس .. ده زمن كويس جداً .

هو : اسمعى كلامى يالطيفة .. إنت لسه صغيرة .

لطيفة : الله يجبر بخاطرك دايها تقولى إنى صغيرة .. مع أن الفارق اللي بينك وبينى هو عشر سنوات .

هو : سبع سنوات .

هو : يالطيفة ما حدش يضمن الزمن ده .. لا أبوه ولا أخوه ولا ولده .. اسمعى كلامى .. أنا مصر ..  
هي : وأنا مصرة .

هو : وحياتى عندك .. إن كان حياتى قيمة عندك .  
(تمد يدها إلى الورق والقلم وتبكي .. وهو يكتب .. شيكات وتوكييلات ..).

\* \* \*

وقد تمثل للشفاء فيقول لها : احلفي إنك مش حترعلى مني ..  
احلفي بالله العظيم .

هي : حلفت ..

هو : لا .. احلفي وقولي والله العظيم .

هي : والله العظيم مش حازعل من أى كلام تقوله .. إلا إذا  
قلت إنك عمرك ماحبتنى ..

- إنت عارفه إنى مش حاقول كده .. عمرى ما قلتها وعمرى ما  
حاقولها ..

- بصى يالطيفة .. إنت عارفة بأحبك أدىه .. وعارفة أنى اتنى  
لنك السعادة .. فـ حياتى وبعد ما أموت .. وييمكن بعد ما أموت  
أكثـر ..

- إيه اللي أنت بتقوله . أنا مش عاوزة أسمع ولا كلمة .. والله ولا  
كلمة .. إيه اللي بتقول يكونش عاوز تقول لي لما تموت أتجوز كمان .

- والله العظيم كنت عاوز أقول لك كده ..

- يخـص عليك ..

( وتخـفى وجهها في يديها وتـبـكـى ) .

\* \* \*

وتقلب في أوراق .. وفي جوابات .. جواباته وهداياه .. وتعـتـبـ  
من كل ذلك فـ تـتـجـهـ إلى التـلـيـفـيـزـيـوـنـ وـتـتـفـرـجـ عـلـىـ بـرـنـامـجـ لـلـأـلـعـابـ  
الـرـياـضـيـةـ وـالـرـشـاقـةـ .. مـبـهـورـةـ بـصـورـ السـيـدـاتـ الـلـاتـىـ كـنـ سـهـانـاـ ثـمـ  
أـصـبـحـ رـشـيقـاتـ وـتـتـمـنـىـ لـوـ اـسـطـاعـتـ ذـلـكـ ..

وـمـنـ غـيرـ شـعـورـ تـقـفـ عـلـىـ السـرـيرـ تـحاـوـلـ أـنـ تـقـلـدـ بـنـفـسـ  
الـحـركـاتـ .. ثـمـ تـقـومـ بـالـأـلـعـابـ الـرـياـضـيـةـ عـلـىـ الـأـرـضـ .. ثـمـ تـضـعـ  
كـاسـتـ آـخـرـ لـلـأـلـعـابـ الـرـياـضـيـةـ ..

وـكـاسـتـ ثـالـثـ عـنـ الرـشـاقـةـ وـالـرـيـحـيـمـ ..

وـكـاسـتـ رـابـعـ عـنـ الـمـوـضـةـ .. وـخـطـوـطـ الـمـوـضـةـ ..

ومكالمات تليفونية مع صديقاتها عن آخر تسلية .. والألوان  
والإكسسوارات .. والاتفاق مع صديقاتها على الذهاب إلى أحد  
الفنادق ومشاهدة عروض الأزياء ..

مفاجأة أن تجد ابنتها وزوجة ابنها .. وإحدى الموظفات بالشركة  
وسيدات أكبر منها سنا ..

والكل يندهش من ذهابها ولكنها ترى أر هذا شيء عادي ..  
واحدة تقول لها : والله خفت أكلمك .. علشان تيجي  
تتفرجي ..

وبعد ذلك تظهر في مناسبات كثيرة ..  
والنساء يتهمسن واحدة تقول : أقطع ذراعي من هنا .. إن ما  
كان في حياة لطيفة رجل ..

واحدة ثانية : أو عاوزة يكون في حياتها رجل ..  
ـ عاوزة .. ألف واحد يتمنى تراب رجلها .. حلوة ذكية ..  
عندتها فلوس ..

ـ فلوس كثيرة جداً ..  
ـ والله من حقها تعيش .. أولادها حيتجنوا ..  
ـ يعني إيه ..

ـ يعني ما أنت عارفه الأولاد .. عازين الآب والأم يعيشوا  
خدامين لهم طول العمر .. الحياة لهم بس ، والموت لنا احنا ..  
قطعوا العيال وقطعت خلفتهم !

تمد يدها في إحدى المناسبات تقطف وردة وتشمها .. ثم بحركة  
لا شعورية وضعتها في صدرها .. ابنتها تلفت وتغمز ..  
ابنها : إيه الجمال ده ياسيدى ..  
لطيفة : أنا ؟ جمالك أنت ياحبيبي .. أنا خلاص !  
ابنها : خلاص .. إنت الكمال والجمال ياست الكل ..  
لطيفة : مرسى ..  
ابنها : والله ياماما الناس بيسألونى .. إيه اللي حصل ..  
لطيفة : في إيه ؟

ابنها : الشياكة والأناقة والشباب والحيوية ..

لطيفة : ياولد عيب .. اختشى ياولد !

\* \* \*

تعود إلى البيت وحدها .. إلى غرفة نومها .. تقلب في الملابس .. وتحتار قميص نوم انيقا جيلا .. وتقف أمام المرأة .. فوق السرير .. وتتذكر .. ثم تتغطى وتنام ..

لطيفة في عيادة طبية .. تكشف عليها الطبيبة .. وتقول لها : أنا منرأى أنك على مهلك في الرجيم .. إنت لو مشيت على النظام ده في الأكل والشرب .. أنا أضمن لك في ثلاثة شهور تنقصى عشرة كيلو .. وعشرة كيلو دى مش حاجة قليلة .. دى كثير جدا .. صحيح فيه ناس ممكن تخس عشرة كيلو في عشرة أيام .. ولكن على حساب حاجات كثيرة خطيرة جدا على الصحة في هذه السن ..

يمكن نتعاطى «أقراص» تنزل المية من الجسم .. في أسرع وقت ..  
ولكن هذا النقص الشديد السريع من الممكن أن يصيب القلب ..  
على كل حال .. إحنا مش مستعجلين وإلا أنت مستعجلة يا طيبة  
هانم .. العرسان واقفين على الباب .. نقول لهم يستنوا شوية ..  
(هاهاها).

لطيفة : (تضحك) عرسان كثير قوى .. هاها ..

\* \* \*

السائق يحكي لزيزى بنت لطيفة هانم .. كيف أنها مرتين في  
الأسبوع تذهب إلى الدكتورة جيهان ..

ابتتها في حيرة وكذلك زوجها وأخوها أشد حيرة . وكذلك  
زوجته ..

ويسألون السائق : إن كانت تبعث به إلى الأجزاخانة وما هي  
الأدوية التي تشتريها .. ويسألونه عن الطبيب الخاص بها .. وإن  
كان يزورها عندما تتعب ..

السائق يؤكّد أن أحداً لا يزورها في البيت .. أبداً . فهي التي  
تغلق الباب ليلاً .. وهي التي تفتح الباب للخادمة والسفرجى كل  
صباح ..

وابتها تقلب في دفتر التليفون وتعرف أن د. جيهان طيبة لشئون  
التغذية ..

أى أنها قد ذهبت لإنقاص وزنها ..

ويسألون السفرجي فيجدون أن الأم انقصت كثيراً من الأطعمة ..  
النشويات بصفة خاصة ..

ابتها : إذن هي عندما تطلب منا أن نعمل لها فتة الكوارع تكون  
هذه هي المرة الوحيدة التي تأكل فيها الفتة .. أعصاب قوية ..  
وإرادة من حديد !



قلق عام .. الطبيب يتصل بها لا يجدوها .. وابنتها وابنها ومدير  
عام الشركة ..

وفجأة يظهر السائق . ويعرفون منه أن لطيفة هانم سافرت  
بالطائرة والساائق لا يعرف إلى أين ..

ويتصلون بفرع الشركة ويعرفون أنها سافرت من يومين إلى  
الغردقة ..

وفي الغردقة يقال لهم بأنها سافرت .. ولكنها لم تعد إلى  
القاهرة ..

ويعرفون من مكتب الشركة أنها سافرت إلى أسوان ويتصلون  
بها ..

لطيفة : وهل أنا طفلة صغيرة كل خطوة لازم استأذن من بابا  
وماما ..

ابتها : لا ياماما .. لكن إنت عادة بتقولي ..

لطيفة : معلهش ..

ابتها : قلقنا عليك ياما . . لكن طبعا اللي يريحك ياما . .  
حتى السوق هو كمان أدى لنفسه أجازة وما قالش لحد أى حاجة . .  
لطيفة : إنت مش عارفه إنى كنت بأكتب قصص بوليسية من  
زمان . . ولكن «أبوك» الله يرحمه هو اللي خوفنى من نفسى . . وقال  
إن قصصى كلها جرائم . . وإنه لا يستبعد أن أقوم في نص الليل  
وأذبحه (هاها . . هاها) .

ابتها : لك إيه اللي صحي الموهبة . المخيفة دى .

لطيفة : أبدا . . والله تعانه يا بنتى . . قلت استريح شوية . .

ابتها : من حبك ياما . . واحنا كلنا نتمنى إنك تستريحى . .  
بس قل لنا يا جمبل إنت بتعمل إيه لوحدك . . هاها . . هاها . .  
الدكتور يطلبها في أسوان : إيه يا لطيفة هانم . . إيه اللي حصل  
إنت لقيت لك دكتور أحلى مني . .

لطيفة : طبعا . .

الدكتور : أنا سعيد إنك مبسوطة وأقدر تخيل شكلك دلوقت . .  
طيب الحمد لله . . بينى وبينك بعد عن الدكتورة رحمة . . أنا لسه  
ما سألتش عن نتيجة التحاليل . . لكن إن شاء الله حتكلون  
كونى . . بتعملنى إيه فى أسوان . . بتتسلى إزاى . . معاك حد من  
صاحباتك . . معاك مين ؟

لطيفة : صاحباتى . . ولهم صاحباتى . . هو أنا ماليش  
 أصحاب وإلا إيه .

دكتور : يا واد يا جامد إنت . على مهلك علينا شوية يالطيفة  
هانم .. الحمد لله إنك مبسوطة . بتعمل إيه ..

لطيفة : اللي بأعمله من كام يوم تسمى إنت تعامله .. منتهى  
الكسل .. أنام بدرى .. وأصحى بدرى .. وأكل فواكه .. مش  
حتصدقنى لو قلت لك الصبح في الشمس .. وعندينا حمام سباحة  
جميل .. وطول النهار عصير الفواكه .. والظهر سمك مشوى ..  
وبالليل فواكه وشىء غريب .. إنى قررت إنى ما أحطش دوا في  
بقى .. والله ما أخذت دوا .. ولا حبوب ولا أقراص .. قررت  
كده .. لا ما تخافشى .. مش حيجرب لى حاجة .. أنا شفت  
إمبراح في التليفزيون الفنساوى برنامج د. جواشون .. عارفه .. لا  
مش قديم .. والله عاجبني وطلبت من انطوان تسجله ..  
انطوان زميلتى .. طلبتها في باريس وحسن حظى لقيتها ..  
بسسلم عليك .. هى كويسيه ..

الدكتور : أنا سعيد جدا .. والله كأنك واحدة ثانية .. شىء  
عجيب .. إيه اللي حصل .. مش عارف .. لكن أنا رأى أن  
المرض إرادة والصحة إرادة .. المريض عاوز يبقى كويسي .. أو  
المريض عاوز يمرض ويموت .. إنت بالضبط أكبر دليل على  
كده .. أنا حاطلك من حين إلى حين .. وابقى ردى على .. إذا  
كان عندك وقت ..

\* \* \*

ترتدى فساتين في غاية الشياكة .. وأحد المصوريين يلتقط لها

صوّرًا .. منتهى السعادة .. الجرسونات يحبونها ويرحبون بها ..  
وتتجه إليها مكالمات تليفونية كثيرة ..

وتتعرف على سيدة لبنانية .. صديقة قديمة ..

وسيدة أخرى في مثل سنها .. كانت جارة لها في الإسكندرية ..  
وكل واحدة لها حكاية وقصة وكيف جاءت إلى هنا .. وأسباب  
ذلك .. واحدة بعد طلاقها وواحدة بعد وفاة زوجها .. وهجرة  
أولادها إلى أمريكا ..

وواحدة لأن الطبيب قال لها : عمرها في الدنيا محدود .. فقررت  
أن تعيش الأيام القليلة الباقية ..

وواحدة فوجئت بأن زوجها قد تزوج واحدة شابة صغيرة .. وهذه  
الشابة هي طفلة يتيمة كانت هي تقوم بتربيتها .. خادمة صغيرة ..  
وكل هذا حدث وهي لا تدري أنه يلتقي بها من وراء ظهرها ..  
وتقول لطيفة : كأنني انتقلت إلى مستشفى .. إلى مصحة ..  
كل واحدة موجوعة في قلبها .. وفي مبادئها .. والحل ؟

تقول لواحدة : الدكتور بتاعى بيقول إن الصحة والمرض إرادة ..  
يعنى الواحد عاوز يبقى كوييس أو عاوز يبقى عيان .. إرادة المريض  
نصف الطريق إلى العلاج .. وأنا مؤمنة بكلامه تماما ..

\* \* \*

وكان هناك واحد في مثل سنها يرقبها من بعيد .. يتبعها تماما ..  
وهي لا تلتفت إليه .. وتجلس بعيداً دائماً .. ويسأل عنها من بعيد

لبعيد .. وكانت إذا جاءتها مكالمة تليفونية ، فإنه ينظر إليها باهتمام شديد .. ويفتعل أى شيء لكي يكون قريباً يستمع ما تقول في التليفون .. ويدور حوار بينه وبين أحد السفرجية .

السفرجي يقول له : لطيفة هانم من أحب الناس .. فعلاً لطيفة .. وكريمة وفي غاية الرقة .. كلنا نحبها مع أننا لم نرها هنا قبل ذلك أبداً .. بعض الزملاء القدامى بيقولوا إنهم شافوها من عشرين سنة .. وبسرعة غريبة عرفت أسماءنا كلها .. يمكن علشان عندها شركات ولازم تعرف أسماء الموظفين .. لكي هي سكرة والله ياسعادة البيه ..

وانتهت لطيفة من إحدى مكالماتها وعادت إلى مكانها تحت الشمسية على حمام السباحة .

وبعض الرجال مع زوجاتهم يحيونها .. ويسألون عن صحتها .. وأين كانت بالأمس .. وإن كانت قد نامت مبكراً .. وسيدات يسألن إن كانت قد شاهدت البرنامج التليفزيوني الفرنسي .. ولا يزال الرجل يتبعها من بعيد .. ويسأل من بعيد .. ولكنها لم تلاحظ وجوده على الإطلاق ..

تلقي مكالمة تليفونية في جناحها .

لطيفة : آلو ..

هو : صباح الخير بالطيبة هانم .

لطيفة : أهلاً وسهلاً .. مين ؟

هو : آه هو ده السؤال اللي مش عارف حاجاوب عليه إزاي ..  
أنا واحد .. معرفة قديمة جدا .. وشفتك من كام يوم ..

لطيفة : من كام يوم ..

هو : ايوه .. لكن مش سهل كده .. أقول أنا فلان الفلانى  
شارع الحسينية المنصورة سنة كام ..

لطيفة : وحضرتك موجود هنا .. أهلا وسهلاً ..

هو : فرصة سعيدة .. ولو سمحت لي .. إذا أمكن .. أنا  
حاشوفك بعد ساعة ونصف ..

لطيفة : ساعة ونصف ؟ اشمعنى ؟

هو : والله مش عارف لكن أنت عادة « تنزلي » على الحمام في  
الساعة دي .. من سبعة أيام .. بالضبط كده .. ويظهر أن  
حياتك منتظمة جدا .. مع إنك ماكتتيش كده .. أنا لسه فاكر لما  
كانت عربية المدرسة تقف أمام البيت ويزعقوا عليك علشان تنزلي ..  
وكتير قوى كان الأتوبيس يسيبك ..

لطيفة : الله .. حضرتك عارف .. ولسه فاكر .. دي حكايات  
قديمة جدا .. وما يصحح الواحد يقول سنة كام ..

هو : والله أبداً .. أنت لسه شباب .. زى ما كنت زمان ..

لطيفة : ياشيخ بلاش المبالغة ..

والله يالطيبة هانم .. كل سن وله جمال خاص وجاذبية .. والمثل  
يقول : إن نشفت الوردة ريحتها فيها .. وأنا شايف الوردة ندية ..

لطيفة : شكرًا . مين حضرتك ؟

هو : واحد من زمان .. من الماضي البعيد جدًا .. وإن كان  
الماضى بالنسبة لواحد زبى وفي ظروف وفي حالي مش بعيد ..  
الماضى هو الحاضر المتصل ..

لطيفة : ياه .. مين ؟

هو : الماضي متصل عندي أنا .. ولكن يمكن مالوش أى  
معنى عندك .. بالاختصار أنا واحد شافك من زمان جدًا ..  
وكانت النظرة اللي استقرت في أعماق قلبي .. على كل حال أنا  
حاشوفك بعد نصف ساعة .. موعد نزولك ..

لطيفة : إيه بالضبط كده .. وتحترفني إزاي ..

هو : أعرفك إزاي ؟ ياه .. ده سؤال .. إذا أنا ما عرفتكيش  
يبقى أستاهل كل اللي يجرى لي ..  
لطيفة : (سعيدة جداً).

وقفت لطيفة أمام المرأة وسوت شعرها .. والسعادة واضحة جداً  
على وجهها .. التليفون يدق لا ترد .. تفتح زجاجة برفام جديدة  
وتضع على وجهها وفي ملابسها ..

ولأول مرة تدخن سيجارة .. وتخرج في البلكونة .. وتقف على  
السرير لترى نفسها في المرأة .. متتهي السعادة ..  
في المطعم .. تجلس .. تحاول ألا تلتفت حولها ..  
ومن ورائها يظهر رءوف صدقى رجل الأعمال . فى مثل سنها ..

فِي السَّتِينِ شَدِيدُ الْأَنْاقَةِ . . يَتَقَدَّمُ نَاحِيَتَهَا وَفِي يَدِهِ وَرْدَةٌ جَمِيلَةٌ  
وَيَقْدِمُهَا لَهَا . .

رَعُوفٌ : الْوَرْدَةُ دِي فِي إِيْدِي مِنْ ثَلَاثَيْنِ سَنَةٍ . . وَاللَّهُ يَا الطِّيفَةَ  
هَانِمٌ . . أَوْ لَكِي أَكُونْ صَادِقًا إِيْدِي مَدْوَةٌ مِنْ ٣٠ سَنَةً وَالْوَرْدَةُ هِيَ  
الَّتِي بِتَغْيِيرِ لَوْنِهَا وَرَائِحَتِهَا وَنَضَارَتِهَا وَلَكِنَّ الذِّي لَمْ يَتَغَيِّرْ هُوَ أَنَا . .  
لَطِيفَةٌ : (سَعِيَّدَةُ جَدًا) الدُّنْيَا دِي غَرِيبَةٌ . .

هُوَ : غَرِيبَةٌ . . الدُّنْيَا مَعْقُولَةٌ . . كُلُّ شَيْءٍ فِيهَا يَتَغَيِّرُ إِلَّا  
الشَّعُورُ الصَّادِقُ . . خَدِي بِالْكَ يَا الطِّيفَةَ هَانِمٌ إِنِّي بَا تَكَلُّمُ عَنْ  
نَفْسِي . .

هُوَ : رَعُوفٌ صَدِيقُ شَارِعِ الشَّيْخِ حَسِينٍ . . الْمَنْصُورَةُ .  
لَطِيفَةٌ : بَلَدِيَاتٌ كَهَانِ .  
هُوَ : بَيْتٌ رَقْمٌ ٣٧ .

لَطِيفَةٌ : اللَّهُ . . الْبَيْتُ الَّلَّى جَنِبَنَا؟ الدُّنْيَا صَغِيرَةٌ جَدًا . .  
هُوَ : وَعَلَشَانَ كَدِهِ أَنَا مَشْ مُحْتَاجٌ أَتَكَلُّمُ عَنْ نَفْسِي . . وَإِنْتَ  
مَشْ مُحْتَاجَةٌ تَقُولِي لِكَثِيرٍ عَنْ نَفْسِكِ . . فَأَنَا أُعْرِفُ الْكَثِيرَ مِنْ لَيْلَةِ  
زَفَافِكَ فِي نَادِي الْبَلْدِيَّةِ . . وَالَّتِي كَانَتْ بِتَزَفَّكَ بِالْأَمْارَةِ أَمْ زَيْتُونَ وَبِنَتِهَا  
وَطَنِيَّةٌ صَحْ؟

لَطِيفَةٌ : (تَضَحِّكُ ) صَحْ جَدًا . . أَنْتَ نَاقِصٌ تَقُولُ لِي اتَّعْشِينَا  
إِيْهِ . .

هُوَ : أَنَا الَّلَّى اتَّعْشِيتِ . . لَكِنْ إِنِّي أَكَلَتْ مَلِبَسَيَّةَ وَاحِدَةً . .

العشاء كان من بيت الشناوى وبيت المصرى والخرفان من بيت  
المليجى والحلو من بيت نور واللى بعترتك من بيت الباز ..

لطيفة : مضبوط جداً .. آسفه اتفضل يارءوف بيـه ..

رءوف : ياه .. بعد ثلاثين سنة . سمعت اسمى على لسانك ..

ولكن انت ما سمعتنيش اسمك اتقـال كـم مـرة عـلـى لـسـانـك فـي كـلـ السـنـين دـى ..

الجرسون يقول لطيفة هانم : تليفون من المنصورة ياـفنـدم ( تذهب  
للتـليفـون ) .

يجلس رءوف صدقـى وحـدـه .. سـعـيدـاً وـمـضـطـرـيـاً .. ويـتـلـفـتـ حولـه ..

وتـجـبـيـه وـتـسـأـذـنـ لأنـها مـكـالـمـة طـوـيـلـة منـ الشـرـكـةـ التـىـ تـمـلكـهاـ  
وـتـدـيرـها .. وـتـعـذـرـ وـتـعـدـهـ بـأنـ يـلـتـقـيـاـ فـيـ العـشـاء ..



ارتدت لطيفة فستانًا سواريه في غاية الأنقة . .  
هو ارتدى ملابس قائمه وعلق وردة في الجاكتة . .  
واضح جدًا سعادتها وحرصها على هذا اللقاء . .  
كان في انتظارها . . صافحها وانحنى وقدم لها وردة وأقعدها .  
فقال لها : أنا طلبت الطعام . . وأرجو أن تقبل هذه الدعوة على  
العشاء . . فقد تمنيتها طول عمري . .  
لطيفة : مرسى . .  
هو : أنا طلبت دجاجًا مشويًا . . وكوسة مسلوقة . . وصلطة  
بلدى . . وطلبت قلقاسًا بالخضرة . .  
هى : أنا أحب كده بالضبط . .  
هو : كان فيه صعوبة في الحصول على القلقاس ولكن أنا  
صممت . . لقد قامت عربية وأتت بالقلقاس من لوكاندة ثانية . .

وطلبت لك طهاطم بالليمون .

هو : ولكن في الأول شمبانيا ..

هي : غريبة ؟

هو : شمبانيا كوردون روج .

هي : يبقى دى المرة الثانية في حياتى اللي حاشرب فيها شمبانيا  
كوردون روج ..

هو : أنا عارف .. المرة الأولى كان يوم احتفالك بالعيد الفضي  
للزواج في فندن كربون بباريس .

هي : بالضبط .. إيه ده إنت عارف كل حاجة .. إزاي .

هو : أنا قلت لك .. إن الماضي عندي مش ماضى .. إنه  
حاضر مستمر ..

هي : وده اسمه إيه .

هو : الاسم لا يهم .. ولكنه شعور متدفق .. لم يهدأ لحظة  
واحدة .

هي : معقول ؟

هو : عين العقل ..

(يشربان الشامبانيا .. في غاية السعادة .. الموسيقى هادئة ..).

هي : الموسيقى دى لها ذكرى عزيزة عندي ..

هو : تسمحى الرقصة دى .. تنھض .. ويتقدمان للرقص  
والسعادة واضحة ..

ويقول لها كلاماً وبيتسن .. ويبدو عليها الخجل .. والخرج ..  
ولكنه ماض في الهمس) .  
وتعود إلى مقعدها ..

هو : دلوقت أقدر أموت سعيداً .. وأنا أيضاً ماتت زوجتي ..  
كانت مريضية .. ماتت في العام الماضي .. بعد زواج استمر خمسة  
وعشرين عاماً .. أنجبنا ثلاثة أولاد .. واحد يعيش في أمريكا مع  
زوجته واحد يعيش في ألمانيا مع زوجته .. والثالث يعيش في  
المنصورة مع زوجته .. وأنا مع ذكرياتي .. وكانت حياتي هادئة ..  
حالة .. حتى رأيتكم أخيراً ..

(وهي سارحة في الذى يقول) .

ولما رأيتكم أحسست بزلزال في داخلي .. القلب النائم صحا ..  
القلب الذي يدق كالساعة أصبح يدق كالطبل .. وأنا في مثل هذه  
السن .. لا أتحمل هذه الدقات القوية .. تمنيت أن أكون أسبق من  
كل اللي تقدموا لك .. ولكن مع الأسف انشغلت بمرض والدتي ..  
يرحمها الله .. وبعدها مرض والدى يرحمه الله .. وكان شعورى في  
ذلك الوقت فظيعاً .. أحسست أن أمى مدت يدها لوالدى ..  
ووالدى مد يده لي .. وأنى لابد أن أموت .. ولم أكن مريضاً ..  
فكأنى أردت أن أذب نفسى .. أسرفت في الشرب .. وأسرفت في  
التدخين .. وتطلعت إلى المستحيل الذى هو أنت .. وزادت  
الهموم .. وأعتقد أننى مرضت حتى زارتني خالتى وهى التى اختارت  
لى زوجتى .. وكانت جميلة وطيبة ومخلصة .. يرحمها الله .. وكان ما

كان .. ولم أعرف أن الذي كان في قلبي لك .. ليس هو الشعور بالحزن لأنني لم أتزوجك .. ولكن هو الشعور بالحب رغم أنني لم أتزوجك ..

ويسكت .. وتسكت هي أيضا .. ويرفع رأسه هامسا :

لطيفة : تتزوجيني !

لطيفة (فوجئت وظهر عليها الاضطراب) رءوف .. رءوف .. أرجوك كفاية بقى .. لا تنس أنني مريضة .. وأنا جئت هنا هربا من نفسي .. هربا من كل الظروف في القاهرة .. الحمل ثقيل جدا .. لقد تركني زوجي .. وأنا غير مستعدة لأى شيء .. أولادي كبروا .. وهم يساعدونني في العمل .. وهم عبء ثقيل .. فأنا بطبعي عصبية جدا .. وأحب الكمال في كل شيء .. ولا يوجد في الدنيا كلها شيء كامل .. أو واحد كامل ورغم أنني أعرف هذه الحقيقة .. لكن أنساها في اليوم الواحد ألف مرة .. وعلشان كده طول الوقت أزعق وأنخافق وأرجع البيت ابتلع الأقراص المهدئة .. وفي الشهور الأخيرة انحدرت صحتي وعرفت الأرق والقلق والصداع النصفي والتهاب القولون .. والدكتورة بيقولوا الكل .. وبيقولوا الكبد .. وكل يوم تحاليل .. وسافرت إلى باريس وإلى لندن .. وكل يوم أعرض نفسي على دكتور .. وأآخر حاجة قالوا عندي نقص المنجنيز وعلشان كده إيدى ترتعش .. ويمكن حالة نفسية .. وأنا جيت هنا هربانة .. لم أخبر أحدا لا أولادي ولا الدكتور .. وحتى لا يعملوا لي فضيحة وينشروا في الصحف أنني مفقودة كل متهم

جميعاً .. ولم أذكر لهم أين أنا .. وإنما أكدت لهم أنني كويستة ومش عاوزة حد يتصل بي .. فيما عدا اثنين من كبار الموظفين بالشركة .. وامبارح بس قلت للدكتور .. لأنني عاوزة أعرف نتيجة التحاليل والحقيقة .. أنا مش عاوزة .. إيه رأيك إلئني من نهار ما جيت هنا .. لم أجده عندى رغبة في تناول المهدئات .. تصور .. يبقى حالة نفسية ..

رعوف : لو أنت شايفه اللي أنا شايفه .

هى : شايف إيه .

هو : مش حتصدقيني .. لأنني باشوف بعيني أنا .. شايف واحدة في غاية الجمال والصحة والعافية .. باشوف بنت صغيرة .. فاكرها من أيام مدرسة البنات اللي في حى المختلط .. وأنت كنت بتتمشى من شارع السكة الجديدة .. وتطلعى على الكوبرى .. ومش فاهم ليه كان دايماً القلم يقع منك على الأرض .. وتقعدى على الأرض وتحببى القلم ..

هى : ياه .. بالضبط كده .. يمكن كانت حيلة بنات عاوزة تلفت نظر اللي راكب على حصان أبيض .. ينظر من فوق الحصان ويأخذ القلم ويديه لي .. هاها رعوف ( يضحك ) .. والله ما كانتش عندى الشجاعة إنى أعمل كده .. يعني إمبارح واحنا بنمشى على البحر .. وأنا كمان عندى شركة لكن أنا فكرت السنة اللي فاتت إنى أصفيها .. أو أبيعها لابنى .. فأنا عندى ما يكفيني الكام سنة اللي في حياتى .

هى : تعيش .

هو : تعيشى إنت يالطيفة ألف سنة .

هى : ألف .. طيب قول اثنين .. ثلاثة .

هو : ربنا يديك طولة العمر .. وتسعدى كل اللي يحبوك ..

هى : اللي يحبونى ..

هو : أنا عارف أن كلهم بيحبوك .. أولادك وأحفادك ..  
والموظفين أنا عارف .. أنت كريمة .. ورقيقة في التعامل معهم  
جميعا .. أما أنا فلا أحد عندي .. أولادي كل واحد في ناحية ..  
البيت واسع .. والوقت طويلا .. والليل أطول من النهار عشرين  
مرة والأيام بطيئة .. والناس كلامها اختلف .. واهتماماتها  
غريبة .. وأنا حاسس أتنى غريب بين الناس .. وعلشان كده فأنا  
من الممكن أغير الغربة .. وأروح لغربة أحسن في باريس أو لندن  
اللى أنا اتعلمت فيها .. قضيت أجمل سنوات العمر وأنا أدرس  
وأتعلم وأحلم بمستقبل .. لي مستقبل بلدى .. وعاوز أجدد  
أحلامي الكام سنة اللي فاضلة ..

لطيفة : شئ غريب .. إيه اللي انت بتقوله .. وإيه اللي أنا  
باسمعه ..

هو : أنا عارف أتنى تأخرت ثلاثين سنة ..

هى : إيوه .. لكن أحببت زوجي ..

هو : أنا عارف .. إحنا كنا اثنين بيحبوك في نفس الوقت ..

هى : شىء غريب .. لو تعرف كلامك عامل في إيه .. لو  
تعرف يارءوف .. إيه اللي اتمناه دلوقت ..  
هو : إيه يالطيفة .

هى : باتمنى أن نتائج التحليل تكون سلبية .. وتكون مخاوفى في  
غير محلها ..

هو : ليه يالطيفة ..

هى : ليه ؟ آهو كلام .

هو : مش كلام .. ده شىء جھيل جدا اللي أنت بتقوليه . هل  
أنت عاوزة تقولي إنك تتمنى أن تكوني سليمة صحيحة .. ومش  
مرি�ضبة لكى نعيش معا فى سعادة حقيقة ..

هى : شىء غريب .. إمبارح بس الدكتور كلمنى من المنصورة  
وقال لي : إن التحاليل سليمة .. ومفيش عندى أى حاجة .. وإن  
شاء الله أنت كمان .. أنا متأكد أن معنديكش أى حاجة .. بس  
إرهاق .. أرق .. وكل ده يمكن الواحد يقضى عليه بالإجازة ..  
بالفسحة بالراحة .. بالبعد عن القاهرة . صدقينى أنا عايش بالقوة  
وعيان بالوهم ..

هى : كلامك صحيح يارءوف .. تمام كده ..

هو : إذن باجدد طلبى .. يالطيفة .. وعاوز أسمع ردك ..

هى : مفاجأة كبيرة يارءوف دى ممكن تلخبط حياتى .

هو : تصحيح حياتك وحياتى .. أنا شعورى صادق .

هى : أنا متأكدة .

هو : أشكرك .

هى : وأنا كمان يارءوف وبسرعة غريبة .. كأننى كنت أنتظر حاجة تشنلى .. وأنا تصورت أن الإجازة والراحة قادران على هذه المعجزة .. ولكن ما كنتش عارفه أنه فيه شىء أهم من كل ده .. شىء شخصى يهمنى .. بيمتهى الصراحة يارءوف وبمتهى الصدق .. أنا فكرت في كل حاجة أنت قلتها وحسبتها وزنتها .. ووجدت أننى عايشه لغيري .. طول عمرى عايشه لغيري .. وزوجى كان يرمى فوق دماغى كل شىء .. ويقول لي أنت أم الحلول وأنا أبو المشاكل .. وأعجبنى هذا اللقب .. طول عمرى .. واكتشفت أنه لقب مزيف .. وأنى دفعت كل حياتى من أجل الاحتفاظ بهذا اللقب .. ولم يكن هناك أى سبب يجعلنى أقوم بدور شيئاً هموم لكل أفراد الأسرة والشركة .. وإن زوجى الله يرحمه ضحك على .. وأنا ابتلعت هذه الأكذوبة البيضاء ودفعت الثمن غالياً ولا أزال أدفعه ..

وجاء الجرسون يقول لها : تليفون يا هانم .. من المنصورة ..

هى : (تعذر لرءوف) .

هو : مستنيك منها كانت المكالمة التليفونية طويلة .  
في الجناح الخاص بها .. تتكلم في التليفون وتنتظر لنفسها في المرأة طول الوقت .. وقد وجدت في غرفتها بوكيه ورد كبيراً .. وتنزع واحدة وتظل تشم فيها .

هى : أهلا يادكتور جعفر .

هو : وحشتني .

هى : مرسى ..

هو : إن شاء الله تكوني مبسوطة .

هى : جدًا ..

هو : الحمد لله .. فعلاً باين عليك الانبساط .

هى : من أسعد أيام حياتى .. يمكن أسعدها ..

هو : إيه الكلام اللي عمرى ما سمعته منك .. إيه السحر اللي عندك .. قولى لي .

هى : قل لي أنت يادكتور .

هو : تفتكري نتيجة التحليل إيه .

هى : مش مهم زى ما تطلع ..

هو : الله .. جرى إيه يا لطيفة .. إيه اللي حصل .. أنا عمرى ما سمعتك سعيدة زى دلوقت . الحمد لله .. قولى إيه الدواء اللي بتاخديه من ورايا ..

هى : الدواء ده غريب .. هوه الداء وهوه الدواء .

هى : شعر ده والآ إيه .

هى : حقيقة ..

هو : فزورة .. إيه اللي داء وفي نفس الوقت دوا .. مفيش غير الحب يالطيفة .

هى : تكسب يادكتور ..

هو : ومن السعيد ده .

هى : أنا . . إيه نتيجة التحاليل قل لي ..

هو : الحمد لله . . مفيش حاجة ألف مبروك ..

هى : أنا سعيدة جداً . . شكرًا يادكتور .

هو : جايه إمتي ..

هى : مين يعرف أن نتيجة التحاليل بالشكل ده ويرجع ..

هو : مش راجعه .

هى : يارب ..

هو : يارب إيه اللي أنا سامعه ده .. آجي لك .

هى : لا .. أنا جاية ..

هو : إمتي .

هى : بعدكم يوم ..

هو : إنت صحيح كويسيه ..

هى : جداً .

هو : والسبب ؟

هى : الدواء .

هو : اللي هو الداء .

هى : إيوه ..

هو : الحب .

هى : ليه لا ..

هو : الحب يالطيفة .

هى : الله .. وهو أنا مش بنى آدم ..

هو : إيوه .. لكن .

هى : والحب له زمن .. له سن ..

هو : لا مالوش .

هى : يبقى خلاص ..

هو : والحب ده ظهر فجأة ..

هى : وهو الحب له قواعد .. له مواعيد ..

هو : لا .

هى : خلاص .

هو : حب قديم وظهر فجأة .

هى : الحب عيل صغير .. الإغريق علمونا كده .. يظهر في  
أى وقت .. ويلاعب بأى قلب وبأى عقل ..

هو : صحيح .

هى : أنت مستغرب ليه ..

هو : كلمينى عدل يالطيفة .. أنا متلخبط .. أنت شاد حاجة .

هى : شربت امبارح شمبانيا ..

هو : لوحدك .

هى : حد يشرب شمبانيا لوحده .. الحاجة الوحيدة اللي الناء بتشربها لوحدها هي الدواء .

هو : وفيلسوفه كمان .. ده أنا مش قادر استناك لحد ترجعى .. أنا جاي لك ..

هى : اعقل يادكتور أنا اللي جايه لك .. سلم على الجميع ..

هو : وكمان مستعجلة .

هى : الدواء .

هو : اللي هو الداء .

هى : إيه (وتصبح ) .. تصبح على خير يادكتور .. و تفكرش في كل اللي أنت سمعته .. لأنك مش حتفهم .

هو : .. .

٨٠

فِي مَكْتُبَهَا ..

يدخل الموظفون يسلمون عليها ويجدونها في غاية الأنقة  
والسعادة .. ويتهامسون عن الذي حدث لها .. وكيف تغيرت  
وأصبحت أهداً وألطف ..

ابتها : عيني عليك باردة .. اللهم صل على النبي .. في غاية  
الجمال ياماً .. أنت صغرت عشر سنين ..

هي : ثلاثين سنة ..

ابتها : والله كلامك مضبوط .. أنت يظهر ياماً كنت في  
حاجة للإجازة دى .. أنت رحت فين ياماً ..

لطيفة : (تضحك) في الغردقة وشرم الشيخ وأسوان ..

ابتها : ياخبر ياماً .. وجالك قلب تسبينا حنجنن عليك ..

لطيفة : جالي قلب .. مش جالي .. وجمع لي قلب ..

ابنتها : إيه ده .. شعر ده ياما ماما .. إيه اللي حصل .. دى عاوزة قاعدة طويلة .. الحمد لله المهم أنك رجعت في أحسن صحة وبلاش وجمع دماغ .. بكرة أعرض عليك الأوراق دى ..

لطيفة : لا داعى .. شوف .. ومشى كل حاجة .. أنت وأخوك ..

ابنتها : هو موافق ..

لطيفة : خلاص وأنا كمان ..

ابنتها : طيب ياما ماما أنا عندي ضيوف .. أسييك شوية ياما ماما .. حمد الله على سلامتك ونورت الشركة ياما ماما .. ( تقبلها وتخرج ) .

مدير الإدارة : يا أفندي حمد الله على السلامة ونورت يا أفندي .

لطيفة : شكرًا .

المدير : انشغلنا على حضرتك .. ولكن الحمد لله .. وعرفنا من الدكتور أن التحليل فل .. زى الفل .. الحمد لله يا أفندي .. جبنا أمورة سميناها لطيفة .

لطيفة : مبروك .. أنا اللي حاعمل أول عيد ميلاد لها ..

المدير : ربنا يديك طولة العمر .. ألف شكر يا أفندي ..

لطيفة : بوس لي العروسة وأنا لازم آجي أشوفها .

المدير : شكرًا يا هانم .. أستاذن .

لطيفة : افضل .

\* \* \*

يدخل رجل فلاح طويل عريض ..

الحاج سالم : نهارك سعيد ياست هانم .

لطيفة : أهلا يا حاج .

سالم : تحت أمرك يا هانم ..

لطيفة : تعمل صوان .. توزع اللحم .. وتعمل فتة .. وتجيب  
الشيخ عبد الرسول يقرأ .. والشيخ سيد وتدفع لهم كوييس ..  
بلاش البخل ده يا سالم .. خلى عندك رحمة .. ادفع من جيبي مش  
من جيبك .

سالم : بس ليه الكلام ده يا هانم .

لطيفة : ليه ؟ أنت عارف ليه .. بحبها شوية يا سالم .. ربنا  
أدانا كثير .. الحمد لله ..

سالم : الحمد لله .. حاضر يا هانم .

لطيفة : دى أقل حاجة .. الحمد لله أنا اطمئنت على نفسي ..  
الحمد لله والشكر لله .. وربنا فاتحها علينا .. وكل شىء ماشى  
كوييس .. الحمد لله ..

سالم : ربنا يسعدك يا هانم ويديك كمان وكمان ..

لطيفة : متشركة .. افضل إنت (السكرتيرة تقترب منها وتهمس

فـ أذنـيـها ) . بلاـشـ النـهـارـدـه . . بـكـرـةـ أـعـمـلـ عـشـاءـ جـمـيعـ العـاـمـلـينـ  
وـأـنـاـ أـقـابـلـهـمـ وـأـسـلـمـ عـلـيـهـمـ . . فـ النـادـىـ . . أـحـبـ أـشـوـفـهـمـ كـلـهـمـ . .  
إـنـ شـاءـ اللهـ . .

( تـخـرـجـ السـكـرـتـيرـةـ ) .

دقـاتـ عـلـىـ الـبـابـ - إـنـهـ الدـكـتـورـ . . يـفـتـحـ الـبـابـ وـيـاخـدـهـ  
بـالـخـضـنـ . .

الـدـكـتـورـ : يا أـرـضـ اـحـفـظـيـ ماـ عـلـيـكـ . . اللـهـمـ صـلـىـ عـلـىـ  
الـنـبـيـ . . إـيـهـ دـهـ يـاـ اـخـوـاتـىـ . . إـيـهـ الـجـمـالـ وـالـصـحـةـ . . صـغـرـتـ  
عـشـرـينـ سـنـةـ يـاـ طـيـفـةـ . . إـحـنـاـ لـازـمـ نـقـفـلـ عـيـادـاتـنـاـ كـلـنـاـ . . وـنـرـوحـ  
لـلـدـكـتـورـ الـلـىـ كـنـتـ عـنـدـهـ وـنـسـأـلـ عـنـ الـوـصـفـةـ السـحـرـيـةـ الـلـىـ تـرـجـعـ الـبـنـىـ  
آـدـمـ عـشـرـينـ وـثـلـاثـينـ سـنـةـ لـوـرـاـ . . فـ مـدـةـ عـشـرـةـ أـيـامـ . . إـيـهـ الـلـىـ  
حـصـلـ . . قـولـىـ لـىـ . . النـاسـ بـرـهـ مـذـهـولـينـ مـنـ الـلـىـ حـصـلـ . . قـولـىـ  
مـنـ الـأـوـلـ . .

هـىـ : ( تـضـحـكـ ) أـشـوـفـ التـحـالـيلـ . .

هـوـ : اـدـىـ التـحـالـيلـ . . كـلـهـ عـادـيـ جـدـاـ تـحـالـيلـ الـكـوـلـسـتـرـولـ  
عـادـيـ . . الـدـهـنـيـاتـ وـالـخـلـسـرـينـ عـادـيـ جـداـ . . كـرـاتـ الدـمـ  
عـادـيـةـ . . وـالـلـهـ وـمـنـ غـيرـ حـسـدـ . . لـوـ مـاـ كـانـشـ عـيـبـ . . كـنـتـ قـلـتـ  
تـقـدـرـىـ تـتـجـزـىـ هـاـهـاـ . .

هـىـ : أـعـمـلـهـاـ يـاـ دـكـتـورـ . .

هـوـ : اللـهـ . . اللـهـ . . دـىـ أـنـتـ مـفـرـشـةـ بـقـىـ . . إـيـهـ الـلـىـ حـصـلـ

في أسوان .. ولا في شرم الشيخ .. ريحيني .. أسيب الطب ..  
والله العظيم عندي استعداد .. لأنه لا يوجد دوا يقدر يغير حال أي  
إنسان زي ما حصل لك .. والله العظيم لا يوجد دوا .. ولا يوجد  
طبيب يقدر يتحقق المعجزة دي ..

هي : أنت مبالغ يادكتور .. مفيش دواء . فيه إجازة وراحة  
بال .. والبعد عن ( وتشير إلى القاعة والناس ) .

هو : البعد عنا .. البعد عن الدكتاتورة هو أعظم دوا .. والله  
صحيح .. السعيد من لا يعرفه الطبيب .. صحيحة وألف صح  
كمان ..

هي : كفاية يادكتور ..

هو : لو كنت أعرف أزغرت ..

هي : زغرت ..

هو : فيه جواز قريب ؟

هي : فيه ! ..

هو : جد ؟!

هي : إنت مش لسه قايل إتنى صغرت ثلاثين سنة .. وأنت  
يخلصك واحدة عندها اثنين وعشرين سنة تفضل من غير جواز .

هو : الله .. الله .. دى الحكاية جد بقى !

هي : حتعمل إيه في مشروع المستشفى .

هو : مستشفى إيه .. إنت طلعتيني سبع مساء .. ونزلتيني  
سبعين أرض .. مستشفى إيه دلوقت .. خلينا في حكاية الجواز ..

هى : خلينا في المستشفى ..  
هو : بلاش جواز ؟  
هى : بلاش ..  
هو : انت لخطيني فيه جواز ولا فيها مستشفى ..  
هى : فيه الاثنين ..  
هو : عقلى ياناس ..  
هى : خليك بعقلك يادكتور ( وتخرج ) .

\* \* \*

في أسوان رءوف صدقى جالس في الفراندة .. يظهر عليه القلق .. يشرب القهوة .. ويدخن السجائر .. ويتلفت حوله .. وقد وضع أمامه وردة .. ويسأل الجرسون : الهاشم مانزلتش النهارده ..  
الجرسون : لا يا أفنديم ..

وءوف : هل نزلت إلى العشاء إمبارح ..  
الجرسون : أنا ماكتتش هنا إمبارح ..  
وءوف صدقى يتوجه إلى التليفون ثم يت Rudd في أن يطلبها .. ويعود إلى مكانه .. ويتلفت حوله .. ويراقب كل القادمين من كل الجهات ..

وأخيراً ينهض .. ويصعد ويدق بابها .. ويجد الجناح خاليا ..  
ويسأل الذين ينظفون الغرفة : الهاشم مشيت ؟  
فام دى شامبر : إيوه يابيه من إمبارح بعد الظهر ..

رءوف : امبارح ؟ غريبة !

يعود إلى غرفته . . ويسأل عن أرقام شركة لطيفة هانم . . عامل  
التليفون لا يعرف . . يطلب مكتبه ويسأل السكرتيرة : ياهدى .

هدى : إيوه يابيه . .

- عاوز تدورى لي على نمر الشركة . . وتعربى لي النمرة المباشرة  
بتاعة لطيفة هانم . . وتردى على بسرعة .

هدى : حالاً يابيه .

رءوف : شكرًا .

هدى : سأـل على حضرتك .

رءوف : بعدين ياهدى . . شوفى لي النمرة دى أولاً . . وإن حد  
سائلك قولى أنا قاعد هنا كام يوم . .

هدى : أمرك يابيه . .

\* \* \*

لطيفة في بيتها . . تراقب برامج الألعاب الرياضية في  
التليفزيون . . تؤدي نفس الحركات . . وتضع كاسيت عن  
الرقص . . وتحاول ترقص . .

لطيفة لنفسها : أنت والله حتجننى يالطيفة . . (وتضحك).  
وتدق الجرس وتحبئ الخادمة وتسأـلها : عندك إيه عشاء  
ياسيدة . .

سيدة : شوربة . . وفراخ مسلوقة وخضار مسلوق وبيبة  
مسلوقة وفاكهـة . . وجبنـة .

لطيفة : لا . . بلاش جبنة .

سيدة : وعيش سن . . ولا بلاش ؟

لطيفة : بلاش .

سيدة : الدواء إيه ياهانم .

لطيفة : مفيش دواء .

سيدة : الدكتور بعث لحضرتك كام قزازة كده .

لطيفة : الدكتور ؟ كام قزازه . . هات القزازة دى أشوفها . .

(فتح لفة صغيرة . . وتضحك ) لقد بعث لها الدكتور بعدد من زجاجات البارفام ) تضعه في سريرها تتخيّل نفسها مع رعوف صدقى يرقصان ويشربان . . وتتخيّله يعانقها ويقبلها . . وتتخيّل نفسها عروساه . وتتلفت وراءها فتجد عدداً كبيراً من الأطفال . وتضحك .

وتصحو من هذا الحلم وتتقلب في فراشها . . وتظهر صورة زوجها . . زفافها مع زوجها . . وكانت سعيدة . . ثم تدخل غرفة النوم وتنظر في فستانها وتسقط على الأرض وزوجها يضحك ولا يمد يده لكي تنہض . . وتغضب . . وتتخيّل نفسها مع رعوف . . وتنظر في فستانها وبسرعة يدركها رعوف قبل أن تسقط . . وتتخيّل نفسها ترقص وتغنى وهي مخمرة . . بينما أولادها والمديرون في حالة من الدهشة والغضب . . ولكنها تصرخ فيهم جميعاً : كفى . . لقد عشت من أجلكم طول عمري . . والآن من حقى أن أعيش لنفسي . . وتصرخ فيهم : اخرجوا . . عليكم اللعنة . . ( كأنها يوسف وهبي . . ) وتضحك في نومها وتطفى النور وتنام . .

وفي أسوان يحزم رءوف صدقى حقائبه .. والحزن واضح عليه  
والغضب ..

ثم ينزل إلى مدخل الفندق .. ويقابل رجلاً ويقول له : كلامك  
كله مش مضبوط ..

الرجل : أشوف إيدك تانى .. هات إيدك ياسعادة البيه  
ويجلسان في جانب من مدخل اللوكاندة .. رءوف يعطى يده لقارئ  
الكف ..

قارئ الكف : زى ما قلت لسعادتك .. حكاية حب قديمة  
اتجددت .. والحب ده آخرته سعيدة .. إن ما حصلش بيقى ما  
أفهمش حاجة .. لكن إذا حصل أنا لى الحلاوة .. والله مش  
حتنازل عن الحلاوة دى .. وح تكون حلاوة كبيرة حب قديم ..  
شعلل النار في قلبك وفي قلبها .. هي بتحاول تهرب ولكن مش  
حتقدر .. وراها ياسعادة البيه .. اسمع كلامي .. وراءها ..  
صنف النساء كده يابيه .. تجرى وراها تهرب منك .. تهرب منها  
تجرى وراءك .. وراها وأول ما تجرى وراك اهرب .. والنتيجة  
مضمونة .. بكره تقول أبو المعاطى قال .. وكلام «أبو» المعاطى  
ماينزلش الأرض .. ومش حاخد منك حاجة يابيه بس سيادتك  
تدىنى عنوانك في مصر ..

(يعطيه كارتا عليه العنوان).

\* \* \*

لطيفة أمام المرأة .. تنقى فساتينها وتسوى شعرها وتتحدث إلى

نفسها : رءوف .. رءوف صدقى .. فيفو .. رءوف .. ررف ..  
آر اس .. رءوفة .. لطيفة .. لولا .. فافا .. توفى ..  
طفطف .. رءوف .. أحسن .. مدام رءوف صدقى .. أنا  
مدام .. بلاش .. وتحلم .. وتسرح من جديد ..

وتتوقف فجأة عن ارتداء ملابسها .. وتتكلم في التليفون تقول :  
أنا تعbane النهارده .. مش عاوزة حد يتصل بي هنا .. تعbane ..  
عاوزة استريح شوية .. أنا امبارح تعبت جداً ..

وترتدي الروب .. وتمدد في السرير .. وتتفرج على  
التليفزيون .. وتقلب في مجلة .. وتنمشي في البيت .. وتقف في  
الشرفة .. وتنظر إلى كل اتجاه ..

وتحب الخادمة ومعها باقة من الورد ..  
وتندھش لطيفة ..

وتقلب في باقة الورد وتجد بطاقة تقول : حمد الله على سلامتك ..  
رعوف ..

وتضحك .. وتظهر السعادة على وجهها .. وتحتار لنفسها وردة  
وتشمها .. وتسرح ..  
اجتماع مجلس الإدارة ..  
معالم القاعة تغيرت ..

على الجدران صور : انديرا غاندى ومرجريت تاتشر والملكة  
حتشبسوت وكليوبطرا وشجرة الدر ومارلين مونرو وصورتها هي ..

والورد كثير في كل الأركان الحمراء أمامها هي .. يتناقشون في مشاريع الشركة والتوسعات والعلاوات وتحويل العملة .. والصادرات إلى الدول الإفريقية .. وروسيا ..

وتدخل السكرتيرة تهمس في أذن لطيفة هانم .. التي يظهر على وجهها الاضطراب والغضب .. وتقف السكرتيرة تنتظر أوامرها ..

لطيفة : طيب ينتظرنى في مكتبى .. أكمل اجتماع مجلس الإدارة .. ثم تستأذن على أن يتولى ابنها إدارة الجلسة ..

وتخرج .. وتسوى شعرها .. وتضع بعض العطر على وجهها .. ثم تجفف بعض العرق على وجهها .. وفي مكتبها تجد رءوف صدقى .

لطيفة : أهلاً يا رءوف بيه .

رءوف : إيه اللي أنت عملتى ده يا لطيفة .. إيه اللي حصل ..

لطيفة : مفيش حاجة .. أنا مش عاوزة حاجة تحصل ..

رءوف : يعني إيه .

لطيفة : يعني أنا صدقت كلامك .. وتهيأ لي أننى صغيرة .. واندفعت في عواطفى .. ونسيت .. وكان لابد أن أتوقف ..

رءوف : طيب وإحساسى أنا .. واللى أنا قلته واللى أنت قلتىه لي .

لطيفة : اندفاع .

رءوف : اندفاع من .. أنا مندفع .. ولكن اندفاع الرجل العاقل .. شعورى كان أقوى .. فاندفعت بمنتهى الصدق

والأمانة .. مش اندفاع واحد متهور .. ولكن اندفاع واحد بقى له  
سنين مستنى الأتوبيس .. وأول ما شفته اتشعبطت فيه .. فأنا  
عارف .. اللي عملته .. وتخيلته وتمنيته .. وما صدقتش نفسى ..  
ومش نادم على أى كلمة ولا أى لمسة .. ولا أى حلم أو خيال .  
لطيفة : ولا أنا .. وأنا قلت لك أنت مش عارف إيه اللي أنت  
عملته فيّ .

رعوف : إيه اللي حصل .. ليه سافرت فجأة .. وإمتى قررت  
أنك تسافرى وترجعى القاهرة .. لما كنا بنتعشى ولما كنا بنشرب  
شمبانيا ولما كنا بنرقص .. ولا لما كنا فى الأسانسير وقلت لي إنك  
بحببى .. وإن دى أول مرة فى حياتك تقوليها لأى إنسان .. وأنا  
صدقتك .. ولسه مصدقك .. إحنا مش صغيرين يالطيفة .

لطيفة : علشان إن إحنا مش صغيرين لازم نفكّر بعقل الناس  
الكبار .. وفي مواجهة الكبار اللي حوالينا .. أولادنا وأحفادنا  
والموظفين والقرايب ..

رعوف : كل دول ملهمش وجود .. وما كانش لهم وجود واحنا  
بنرقص .. ماهمهمش وجود واحنا عندنا أرق وقلق .. واحنا بنقول آه  
من الصداع واحنا بتتحايل على النوم إنه بييجى ما يجييش .. واحنا  
لوحدنا كل واحد في سريره مع همومه مع متاعبه .. مع وحدته  
ويتظر القدر .. ويكون السرير زى التابوت .. ويكون النوم  
والموت لها معنى واحد .. فين العالم كله وأنا بأفكر أطفش من البلد  
ومن الناس .. علشان أعيش لوحدى وأموت لوحدى .. الناس

احنا اتعودنا نحشرهم في أخص خصوصياتنا . . وكل واحد منهم  
يستأنف حياته على كيفه وعلى مزاجه . . ويريدون منا ألا تكون لنا  
حياة . . إنهم يخافون على أنفسهم . . على فلوسهم . . على نصيبهم  
من الشركة . . إن أحب الناس لنا يفكر جاداً متى نموت وإيه  
نصيبه من التركة . . صدقيني أنا سمعت واحداً من أولادي بيقول  
كده . . وهو مش شرير . . لكن كلام بالعقل . . سمعته بيقول  
لآخره . . افرض بقى أن بابا ضحكت عليه بنت صغيرة واتجوزته . .  
وكتب لها كل اللي قدامه اللي وراه . . وكان رد آخره : هو حر . .  
دى فلوسه وهو حر فيها . . وكفاية اللي احنا أخذناه منه . . أخذنا  
ما هو أكثر من الفلوس . . صحته وشبابه . . لم أنس هذا الحوار . .  
وأعتقد أن ابني كلامه صحيح . . رغم أنه بيعبنى . .

(ويقترب يحاول أن يختضنها أو يقبلها) .

لطيفة : رعوف . . هنا مكتب . . مش لوكاندة . .

رعوف : (في حالة غضب) أريد أن أعرف . . أريد تفسيراً لما  
حدث . . أنت غيرت رأيك . .

لطيفة : إيوه أنا غيرت رأىي .

رعوف : انتي غيرت رأيك . . وأنت هناك . . ولا لما رجعت  
هنا . . وليه . .

لطيفة : هناك .

رعوف : امتى . . فين . . وليه . . طيب إيه الكلام اللي

صدق .. وإيه الكلام اللي كذب .. عاوز أعرف (بصوت مرتفع)  
عاوز أعرف دلوقت ..

لطيفة (في فزع) متعليش صوتك هنا شركة .. أنت عاوز تعمل  
لي فضيحة .. اسكت .. بعدين ..

رءوف : وأنت مش عارفه إنه كان فيه فضيحة في أسوان ..  
الناس اللي شافونا صباحاً ومساءً نتعشى ونتغدى ونتعشى ونرقص ..  
وبعدين واحد منهم قال : المدام كتبت عنوانها ومشيت .. ما  
تعرفيشى كانت سعادتى قد إيه .. لما قال لي : المدام .. ومترعرفيش  
تعاستى كانت قد إيه لما قال إنها مشيت .. كلمة مشيت كان لها وزن  
هربت .. طفت مع واحد غيرك .. فضيحة طبعاً .. الفضيحة  
هناك أ بشع من الفضيحة هنا .. عاوز أعرف دلوقت !

(التليفون يرن .. مرة بعد مرة .. وفجأة تظهر السكرتيرة تجدهما  
واقفين .. وتغلق الباب بهدوء .. وفي فزع).

وتقنع السكرتيرة الابنة والابن من الدخول .. وتقول إنها مشغولة  
الآن وإنها طلبت ألا يدخل لها أحد ..

وفجأة ينفتح الباب ويخرج رءوف صدقى .. وينظر إلى الواقفين  
 أمام الباب .. وتلاحظ ابنتها على شفتيه «روج» .. ويمتعق  
 وجهها ..

وتدخل لطيفة دون أن تطلب إلى أحد منهم أن يدخل .. وتدخل  
الابنة لتجد أمها وقد جلست إلى مكتبها والدموع في عينيها وتحاول أن

تقرب منها .. ولكنها تتردد ثم تخرج وتشير إلى أخيها أن يتبعها ..  
وتدخل السكرينة وتتجدد لطيفة هانم تبكي .. فتغلق الباب بهدوء).  
في البيت تجد في انتظارها الدكتور وأخته أمينة وخالته وشريفة ..  
مفاجأة للطيبة هانم ..

لطيفة : إيه المفاجأة السعيدة .. ماحدش قالى لي إنكم هنا ..  
الدكتور : إنها غلطتى .. أنا كان لازم أقول لك .. قلت علشان  
نسلم ومانقدرش كثير ..

لطيفة : أهلا .. وسهلا .

الدكتور : أختي أمينة .

لطيفة : أهلا وسهلا .

الدكتور : أمى .. زى أمى خالتى شريفة ..

لطيفة : أهلا وسهلا ..

الدكتور : أختى مسافرة أمريكا لأولادها .. وجت تسلم عليك  
قبل ماتمشى .. وخالتى قررت نهائيا أنها ترجع المنصورة .. بقى لها  
عشرين سنة في القاهرة .. وطلع في دماغها ترجع تعيش مع  
الأسرة .. أصل احنا بتطلع في دماغنا حاجات كدة .. احنا ناس  
على الله ..

لطيفة : وأنت طلع في دماغك إيه يادكتور .. أولاً متشركة على  
قزاز الدواء اللي أنت بعثهالي .. ألف شكر .. كلك ذوق ..  
أمينة : آه .. لكن ما لو ش بخت ..

الدكتور : أجييه منين ..

لطيفة (تندى على الخادمة) حضرى السفرة ..

الخادمة : جاهزة يا هانم ..

لطيفة : عن إذنكم دققة واحدة . ( يدق جرس التليفون )  
تدخل بالتلفون بعيداً وتهمس ..

لطيفة : يارعوف مش حاقدر .. مش دلوقت .. عندي  
ضيوف .. حاقول رأى النهائى .. إيوه .. بالليل كلمنى بالليل ..  
طيب بلاش أنا اللي حاطلبك .. إيوه أنا اللي حاطلبك ..  
( تقلل السكة ) .

أمينة : إنت إيه اللي عاجبك في لطيفة يادكتور ..

الدكتور : إيه ؟ كل حاجة ..

أمينة : كبيرة .. يمكن أكبر منك .

الدكتور : أنا عارف سنهما بالليوم .. هي أصغر مني بخمس  
سنوات وستة شهور وعشرين يوما .. وعاجباني .

أمينة : يعني هي واللاzinat . بنت عمتك ..

الدكتور : زينات إيه ياشيخة ..

أمينة : سبحان الله مش هيه دى اللي كانت عاجباك .. وقلت  
فيها شعر .. عينيها .. جسمها .. شعرها .. صوتها ..  
مشيتها .. سبحان الله .. أنت كل يوم بحال وبرأى .. ويمكن

تغير رأيك في لطيفة دي وتقول أنا السبب .. ياحبيبي ياخويا أنا  
ماليس دعوة .. طانط هي اللي تتكلم .. الكلمة كلمتك يا طانط  
إنت إيه رأيك ؟

شريفة : قبل ما أتكلم يادكتور .. دلوقت انت مالى إيدك  
منها ..

الدكتور : إيوه .

شريفة : بقى هي بتحبك زي ما أنت بتحبها ..

الدكتور : إيوه ..

شريفة : يعني وجودي هنا مسألة شكليات .. واللا انت  
عاوزني أقنعها أنها تتجوزك .. يعني هي تحتاجة لكلمة مني ..  
يعنى هي عاوزة أن العيلة هي التي تخطبها .. يعني هي موافقة  
عليك .. وناقص موافقة العيلة ..

الدكتور : إيوه ..

شريفة : إيوه دلوقت أنا عرفت إيه المطلوب مني .. طيب  
أكلمها إمتنى .. على الأكل .. واللا بعد الأكل .. طيب هل  
معك هدية لها ..

الدكتور : الهدية وصلت .. بس الخدامة نسيت تديها لها ..

شرiffe : معقول تنسى حاجة زي دي ..

الدكتور : إيوه مش معقول ..

شرiffe : إيه القزازيز اللي بتشكرك عليها ..

الدكتور : الهدية مع القرايز .. يظهر ما شفتشى الخاتم الألماس  
اللى أنا بعنته مع قرايز البارفام . حتعرف حالا ..

شريفة : مرة ثانية يادكتور .. هى موافقة على الجواز ..

الدكتور : إيه ..

شريفة : طيب كويس وأنا أقول لها إن احنا سعداء بيها ومتشرفين  
بيها وبعائلتها .. وعاوزين نفرح بيكم قبل ما أسافر وقبل أختك ما  
تسافر .. وحيكون حفلة على الضيق .. واللا حفلة كبيرة ..  
وياترى هى لازم تاخذ رأى أولادها .. أو حتى تديهم خبر ..

الدكتور : ده شأنها هى ..

شريفة : إزاي وانت مش عاوز تقنع أولادها ..

الدكتور : لا .. ده شأنها هي ..

شريفة : برضه لازم ..

الدكتور : بعددين يا طانط ..

شريفة : يعني الكلام بيجي بعد الأكل واحنا بنشرب القهوة ..

الدكتور : إيه ..

شرiffe : أنا اللي حاتكلم واللا اختك واللا احنا الاثنين ..

الدكتور : انت الأول ..

شريبة : طيب على بركة الله ..

## ٦٦

لطيفة هانم في بيتها ..

وهناك سيدة تقوم بتدليكتها .. وفي نفس الوقت تشاهد برنامج  
ايروبك .. وتقوم بعض الألعاب الرياضية ..  
وتحبى الخادمة وتقول : الدكتور .

لطيفة : ماله .

الخادمة : على التليفون .

لطيفة : معقول ؟

الخادمة : إيوه يا هانم .. دى رابع مرة يطلب النهارده ..  
وامبارح طلب يمكن ست مرات ..

لطيفة : للدرجة دى .. و كنت بتقولى له إيه ؟

الخادمة : ما كانش مصدق أن جنابك مش في البيت ..

لطيفة : يعني إيه .

الخادمة : إنك مش عاوزه تكلميه . . هوه اللي كان بيقول كده . .

لطيفة : هاتى التليفون .

تشكلم في التليفون . .

لطيفة : أهلا يادكتور . . أبدا والله . . انت عارف انت عزيز على  
قد إيه . . ولكن أنا ماعنديش أى استعداد نفسى . . ولا عندي  
استعداد أواجه الناس وإننى في حالة دفاع عن النفس . . أنا  
عارفة . . أنا متأكدة . . كله نصيب . . وأنت في حاجة إلى واحدة  
أحسن . . أنا لا أصلح والله . أنا عارفة نفسى . . أنا متأكدة . . أنا  
متشكرة جداً يادكتور . . بكرة إن شاء الله . . أهلا وسهلا في أى  
وقت . .

الخادمة : نسيت يا أفندي أقول لسيادتك إن الحاج عمر اتكلم  
امبارح . .

لطيفة : كمان الحاج عمر . . إية الحكاية . . ما بقاش غير الحاج  
عمر . . وإيه اللي عند الحاج عمر يقدر يديه لي . . ده راجل أتجوز  
ثلاث مرات . . وأنا الرابعة . . قولى له اهانم عندها ضيوف . .  
وهي حتطلبك بعددين . .

تخرج الخادمة وتدخل . . ومعها بوكيه ورد . .

لطيفة : من مين ؟

( وتطهر السعادة على وجهها . . وتكون البطاقة لروعه صدقى  
مع القبلات الحارة . . )

سيدة التدليك تسألاها حنكمي يا هانم .. واللا آجي لحضرتك  
بكره .

لطيفة : تعالى بكره ..

(تنهض المدلقة وتخرج ..)

الابنة : (تدخل) أهلا ياما ماما .. مالك سلامتك .. إنت زى  
الفل اهوه .. فيه إيه .. دلع عرایس بقى ..

لطيفة : (تضحك) ..

الابنة : مش كده ياما ماما .. انت مش عروسة واحدة .. أنت  
على الأقل ثلاث عرایس ..

لطيفة : (تضحك) .. .. ..

الابنة : قالوا عروسة الدكتور .. وقالوا عروسة الرجل الرذل اللي  
بيقف بعربيته الكاديلاك أمام الشركة تحت الأشجار ..

لطيفة : مين ده كمان ؟

الابنة : حضرتك مش عارفه .. مش معقول ..

لطيفة : والله ما أعرف ..

الابنة : العاشق الوهان البليل الحيران .. صاحب الشركة  
إياها ..

لطيفة : (سعيدة) يقف بعربيته تحت الشجر ..

الابنة : إيوه تحت الشجر ياوهبيه ..

لطيفة : أول مرة أعرف . .

الابنة : وقالوا كان العمدة . .

لطيفة : العمدة . . مين الحاج عمر . . وأخبار الرئيس الأميركي  
ما حدش جاب له سيرة كمان ؟

الابنة : لسه شوية ؟

لطيفة : إيه الهوجة دى .

الابنة : ياما . . يعني مش عارفة .

(ويدخل ابنها) . .

الابن : لازم بتتكلموا علىَ .

الابنة : أبدا ولا جبنا سيرتك . . واحنا حنجيب سيرتك ليه . .  
 إحنا بتتكلم على العرسان بس . .

الابن : ما أنفعش عريس .

الابنة : عريس لاما ؟ تنفع جداً . .

لطيفة : (تضحك) .

الابنة : الحقيقة إيه ياما . .

لطيفة : كل اللي سمعته حقيقة . . لكن يا ابني أنا ما أقدرش . .  
في سنى دى . .

الابنة : إيه في سنك دى . . إنت زي القمر . . : وألف واحد  
يتمناك . . عقل وجمال ومال . . من الناحية دى مفيش فيها كلام . .

الابن : تمام .. ولكن إيه اللي خلى العرسان كده يهلووا مرة واحدة ..

الابنة : لا دى حكاية قديمة .. الدكتور بيزن من زمان .. وماما مصارة أنه أخ لها .. ولبابا .. والرجل العبيط الحاج عمر كان كل يوم بيعث لاما قفص فراخ .. ومادامت قبلت الهدية .. (تضحك) .. وغير دول كثير .. وأنا عارفة ومش حاقولك لأن ماما قالت لي ماتقوليش .. مايصحش ..

الابن : يعني انت بتغظيني .. ولكن عاوز اسألك ياماما .. انت عارفه اننا بنحبك .. ونتمنى لك السعادة .. والله بأقوها من قلبي ياماما .. ليه لا؟ حبك ..

لطيفة : معقول حاجة زي دى وأنا أجعلها مفاجأة لكم .. معقول اننى أفك فى الزواج .. مش الزواج نفسه من غير ما آخذ رأيك .. هل هذا معقول .. مش معقول يا ابني ..

الابن : طيب ياماما ما تخليها حاجة معقولة . وأنا موافق على أي واحد انت تختاريه .. أى واحد ياماما .. وأنا عارف عقلك وبعد نظرك .. والله أى واحد ما دام يسعدك ..

لطيفة : بلاش السيرة دى ..

الابن : طيب إذن أقول لك آخر الأخبار .. عندي عريس .. أصغر منك بعشر سنين ..

لطيفة (تضحك) كمان؟

الابن : ورجل غنى جدا .. ويحترمك جدا .. وهو زهقان من حياته .. وعاوز يعيش سعيدا . وأنا موافق .

لطيفة : يعني اتكلمتكم مع بعض .. وقررتكم ومطلوب مني أطيع هذه الأوامر ..

الابن : إيه يا ماما .. احنا كده في الريف .

الابنة : مين .

الابن : عمك ؟

الابنة : إيه !

لطيفة : مين ؟

الابن : عمى مختار .. مش عاوز فلوس .. عنده كثير ..

لطيفة : وانت ترضى ؟

الابن : أنا أرضى .

لطيفة : وانت ترضى ؟

الابنة : ياخبر .. ايه الحكاية دي .. عمى يبقى جوز أمى ..  
وأصغر منها .. واتجوز قبل كده ثلات مرات واللا أربع مرات ..  
وعنده عشرين عيل .. إزاي تواافق على حاجة زى دي .. انت  
جري للك إيه .

لطيفة : آهو كلام يابتني وكل واحد يقول اللي يبسطه ..

تدخل الخادمة : تليفون يا هانم .

لطيفة : مين ؟

الخادمة : (تحنى رأسها) . . . . .

الابنة : قالت لك مين ؟

الخادمة : . . . . .

الابن : سر حربى .

الخادمة : . . . . .

(تخرج الأم وأدركت من هو الذي يتكلم . . وأخذت التليفون ودخلت غرفتها وأقفلت الباب عليها) .

على طرف السرير راحت تتحدث إليه :

رءوف . . أنا قررت . . بلاش . . أنا شايفة نفسى مضحكة . .  
بلاش . . أرجوك . . إذا كانت لي معزة عندك بلاش . . والله بأقوها  
من عقلى . . مش من قلبي . . لكن احنا فى سن العقل مش  
القلب . . مش قادر أقول لك الكلام وجها لوجه . . ما  
أقدرش . . أولادى هه . . طبعا عاوزين أعمل اللي عاوزاه . .  
تخطبني من أولادى إزاي . . بلاش الحاجات دى . . ما أقدرش . .  
لا ما تجيش . . خلاص نتقابل . . خلاص . . الساعة التاسعة . .  
تصبح على خير . .

جاءت سيدة التدليك . . وهى لا ترد على التليفونات . .  
والساعة تجاوزت التاسعة مساء . . والخادمة تهمس فى أذنها . .  
والضيق يظهر على وجه لطيفة . .

الساعة العاشرة ولم تذهب إلى الموعد ..

نادت الخادمة وقالت لها : لا مكالمة من أى أحد .. ولا  
أولادى .. قولي السست نامت بدرى ..  
الخادمة : أى حد .

لطيفة : أى حد .. وأولادى كمان . تصبحى على خير ..  
الخادمة : وأنت من أهله ياهانم ..  
في غرفة نومها ..

تسمع الموسيقى .. ثم تفتح التليفزيون وتقفله .. وتدخن ..  
تحاول أن تنام .. الخيال يسرح بها في كل اتجاه .. تعود إلى  
البلكونة .. تحاول أن تتصل به تليفونيا .. تسحب الفيشة  
للتليفون .. تتمشى في الغرفة .. تفتح دولابها .. تخراج كل الهدايا  
وكل الخطابات .. والفساتين .. وتقلبها .. وتقول لنفسها ..  
والله باحبك يا رعوف ولكن مش قادرة .. مش عارفة يبقى إزاي أكون  
زوجة لرجل ثانى .. مش عارفة .. ومش عارفة أولادي إزاي  
مسهلين الحكاية على .. أنا - إذن - غير طبيعية - مش لاقيه حد  
أكلمه ..

وتضع كل الهدايا في شنطة ومعها الفساتين والكروت  
والخطابات .. ثم تجلس تكتب خطاباً لرعوف .. وتقول : عزيزي  
رعوف .. لا .. إيه يا عزيزي دي .. امال حاقول حبيبي .. لا ولا  
حتى .. أقول رعوف بس .. رعوف أنا قلت لك كل حاجة وأنت

مصر على موقفك .. وأنا أحترم موقفك وأنت لازم تحترم موقفى ..  
وأنت مستعد لهذا الموقف من زمان .. وأنا مفاجأة تماما بكل  
شيء .. وإن كل حاجة قلتها اسعدتني .. آه لو رأيت السعادة على  
وجه أولادي .. أو على وجهى أنا وأنا أفكرا فيك .. آه لو رأيت  
التعاسة على وجهى الآن .. وأنا أستعرض كل شيء يفكرنى بيتك ..  
بذوقك الجميل ورقتك .. ومش عارفة أواجه كل الحاجات دى كل  
يوم إزاي .. ما أقدرش إنها مظاهرة كلها تهتف بحياتك وتهتف  
ضدى .. ولذلك اخترت قراراً لكى أفرق هذه المظاهرة الصامتة ..  
أبدا مش صامتة .. مظاهرة صارخة فى عينى وأذنى وفي دمى وفي  
قلبى .. إن كل شيء فى جسمى وفي عقلى وفي قلبى يعمل  
بحساب .. وصدقنى .. إنها مؤامرة ضدى .. انقلاب ضدى ..  
إنهم جميعا يحملونك على الأعناق وينادون بك سلطانا على عرش  
حياتى .. وأنا وحدى أقف ضد التيار .. ولا بد أن أقف .. كثيرون  
فعلوا .. كثيرون ..

( وتفتح الخطاب فى مظروف وتبتلع بعض الحبوب المهدئه وتنام ).  
الخادمة ( فى التليفون ) والله الهانم ما نامتش امبارح .. يمكن  
على وش الفجر .. أنا شايفاها بتعمل لنفسها قهوة وشاي .. أول  
مرة حاجة زى دى تحصل .. والله ياست مش عارفه ..  
يدق جرس التليفون ..

الخادمة : صباح النور يا بيه .. ماما لسه نايمه .. لا مش  
تعبانه .. قلقانة بس .. ما قالتش أصحىها من النوم إمتى .. طبعا

لابد أسيبها نايمه .. لأنها سهرت امبراح .. يمكن للساعة الخامسة .. يمكن ستة .. الله أعلم .. لا التليفون ما ضربش ولا مرة .. لا ماعرفش لكن أظن هانم شايلة الفيشة .. أخت حضرتك كانت بتتكلم من شوية .. هيء امبراح قالت لي ما توصلنيش بأى حد .. حتى أولادى .. إيوه يابيه قالت كده ..

تخرج لطيفة هانم من غرفة النوم وقد ارتدت ملابسها كاملة .. الملابس قائمة على غير العادة .. وفي يدها الحقيبة الكبيرة التي وضعت فيها كل الهدايا .. ونزلت من غير أية تعليمات للخادمة .. جاء السائق .. أشارت بأنها هي التي سوف تقود سيارتها .. ووضع الحقيبة إلى جوارها ..

وأنجها بسيارتها إلى إحدى العمارتـ . وركبت السيارة . وأخرجت الحقيبة من مؤخرة السيارة . ونظرت إلى نفسها في المرآه .. وصعدت الدرج .. ثم دخلت الأسماير .. وخرجت أمام مدخل شركة .. ودخلت .. وقابلتها السكرتيرة فقالت لها لطيفة : رءوف بك موجود ..

السكرتيرة : مين يا أفنديم ..

لطيفة : لطيفة ..

السكرتيرة : موعد سابق ..

لطيفة : إيوه ..

السكرتيرة : إمتنى ..

لطيفة (تضحك) من زمان ..

السكرتيرة : أفنديم ؟

لطيفة : من ثلاثة أيام ..

السكرتيرة : الساعة دي .

لطيفة : إيوه ..

السكرتيرة : لحظة ياهانم (وتنشغل بقراءة بعض الأوراق)

ولكن لطيفة تسبقها وتفتح الباب .. وترك الحقيقة عند  
السكرتيرة ..

تدخل لطيفة .. وتظل واقفة .. ورءوف جالس وقد وضع وجهه  
بين يديه .. ولا تزال لطيفة واقفة ..

ثم تجلس وتخرج مراتها .. وتضع الأحمر في شفتيها .. وتخرج  
زجاجة العطر وترش على وجهها وناحية رءوف .. ويتباهي قليلاً  
لرائحة العطر .. وتجه ناحيته وتقول له : رءوف .

رءوف : ..

لطيفة : انفع ؟

رءوف (يتسنم) ..

لطيفة : تقبل أكون مراتك ..

رءوف : (يضحك)

لطيفة : .. تحب أكون مراتك ؟

رءوف : (يضحك سعيداً) .

لطيفة : بلاش تحب .. أرجوك يارءوف (يضع يده على فمها) .

- بل أنا اللي أرجوك يالطيفة .. يا ألطف لطيفة ..

ويخرجان من المكتب وقد لف ذراعه حولها .. والسكرتيرة تحمل  
الحقيقة .. ويتوجهان من الأسنسير إلى الشارع ..

ويفاجآن بأن الأبنية خرجت من سياراتها ..

والابن خرج من سيارته ..

وكذلك عدد من المديرين ..

ويتقدمون جمِيعاً نحو لطيفة ورءوف .. ويصفقون وينزل الاثنين  
السلام بهدوء ليجدوا سيارة وقد ازدانت بالورد ..

رءوف : سيارتكم ؟

لطيفة : (تهاز رأسها) .

رءوف : على فين ؟

لطيفة : . . .

رءوف : على فين (ضاحكاً سعيداً) .

لطيفة : على المطار !

رءوف : . . . .

لطيفة : أسوان ..

رقم الإيداع / ٢٨٨١  
I S.B.N 977 - 09 - 0204 - 7

## مطبع الشروق

القاهرة: ٨: شارع سبيويه المصري - ت ٤٠٢٣٢٩٩ - فاكس: ٤٠٣٧٥٦٧ (٠٢)  
بيروت - ص.ب. ٨٠٦٤ - هاتف: ٣١٥٨٥٩ - ٨١٧٢١٣ - فاكس: ٨١٧٧٦٥ (٠١)



# القلب الملازمه

## السماه في القلب

أربع دقات القلب أربع يكون للأخرين ،

وغيرها تدل على عقولنا ... ولكن عقولنا من أين نعرف إلا ..

أحسن كلام هو الذي سلَّمَ القلب على العقل ..

كل الطموح لها معنى واحد : قلنا أنت أ

تعلُّم علينا أمراض السخونة من الموت إلى الموت ... العقل إلا والقلب  
أخيراً ... فصلتك إذا ثبُرت أمراض الحب على مصاب ضيق أو على شيخ  
كبير ؟ أكانتا ضرورة أن القلب لا يسمى له أي قلب ، وكان الشعير الأمسح به أن  
يتسلل ... أو ...

ولكن الناس جمما بجهون الدين بجهون ... ويررون في حب الآخرين حفل  
رافِداته لأحاطه بأربع ما أعطي الله للإنسان : أن يحب سعيداً مذلة

وأن أيام رواية ... قصة ... حكاية حب في سن متأخرة ... ولتكن القلب  
لا يعبر له ... والذين يهربون بالعقل يهربون به ... أما الذين يهربون بالقلب فلا  
يعرفون ... فاتقلب لا يعبر به ... لفترة ما ارسطور عاش في حمدوني على

أفرا الكائنات الكبار أليس منصور قصة قلب ... ووضع قلب أحب ... أما  
المعانى فالاسمه في كل سطر ... وألما العبارة فيني الشهد يدقق من أصحابه ... وهو  
الصعب جداً على غيره من أصحاب الإسلام ... وليس أصعب من أن تكون  
سهلاً ... وليس أروع من أن تكون فبلسوها بتالق هنا ... وفتاناً يعرض نفسه ... في  
حدودي (القلب أبداً يبني ) ...

**To: [www.al-mostafa.com](http://www.al-mostafa.com)**